

全

唐

诗



全唐詩目 第二函

第三冊

駱賓王 三卷

武三思

張易之

張昌宗

薛曜

楊敬述

于季子 共一卷

喬知之

喬侃

喬備 共一卷

劉希夷 一卷

陳子昂 二卷

刺子鼎

二卷

聖帝夷

一卷

喬松

喬松

喬松

共一卷

魁婚並

子亭子

共一卷

先三思

魏易

康昌宗

魏易

魏實王

二卷

魏實王

全唐詩

駱賓王

駱賓王，義烏人，七歲能屬文，尤妙於五言詩。嘗作帝京篇，當時以爲絕唱。初爲道王府屬，歷武功主簿，又調長安主簿。武后時，左遷臨海丞，怏怏失志，棄官去。徐敬業舉義，署爲府屬，爲敬業草檄。武后罪狀，后讀之，矍然歎曰：宰相安得失此人！敬業事敗，賓王亡命，不知所終。中宗時，詔求其文，得數百篇，集成十卷。今編詩爲三卷。

夏日遊德州贈高四

并序

夫在心爲志，發言爲詩。詩有不得盡言，言有不得盡意。僕少負不羈長，逾虛誕，讀書頗存涉獵，學劍

不待窮工進不能矯翰龍雲退不能棲神豹霧撫
循諸已深覺勞生而太夫人在堂義須捧檄因仰
長安而就日赴帝鄉以望雲雖文闕三冬而書勞
十上嗟乎入門自媚誰相謂言致使君門隔於九
重中堂達於千里旣而交非得免路是亡羊敬止
弊廬竭來初服遂得載披玉葉款洽金蘭傾意氣
於一言締風期於千祀雖交因氣合資得意以敦
交道契言忘少寄言而筌道是以輕投木李以代
疎麻章句繁蕪心神媿慙庶瞻雅韻竚辱報章則
紫耀連星開龍文於劍匣素輝虧月領驪頷於珠

胎云爾

日觀鄰全趙星臨俯舊吳
鬲津開巨浸稽阜鎮名都
紫雲浮劍匣青山孕寶符
封疆恢霸道問鼎競雄圖
神光包四大皇威震八區
風煙通地軸星象正天樞
天樞限南北地軸殊
鄉國關門通舜賓
比屋封堯德言謝垂鈞
隱來參負鼎職天子不見知
羣公詎相識未展從東駿
空戢圖南翼時命欲何言
撫膺長嘆息嘆息將如何
遊人意氣多白雪梁山曲
寒風易水歌泣魏傷吳起
思趙切廉頗淒斷韓王劍
生死翟公羅羅悲翟公意
劍負韓王氣驕餌去易論
忌途良可畏夙昔懷江海
平生混涇渭千載契風雲
一言忘賤貴去去訪林泉
空谷有遺賢言投爵里刺
來泛野人船締交君贈編
投分我忘筌成

風卸匠斲流水伯牙弦牙弦忘道術漳濱恣閑逸聊安
張蔚廬詎掃陳蕃室虛室狎招尋敬愛混浮沈一諾黃
金信三復白珪心霜松貞雅節月桂朗冲襟靈臺萬頃
濬學府九流深談玄明毀璧拾紫陋籛金鷺濤開碧海
鳳彩綴詞林林虛星華映水澈霞光淨霞水兩分紅川
源四望通霧卷天山靜煙銷太史空鳥聲流向一作薄蝶
影亂芳叢柳陰低槩一作水荷氣上薰風風月芳菲節物
華紛可悅將歡促席賞遽爾又歸別積水帶吳門通波
連禹穴贈言雖欲盡機心庶應絕潘岳本自閑梁鴻不
因熱一瓢欣狎道一作三月聊棲拙棲拙隱金華狎道訪
仙查放曠愚公谷消散野人家一頃南山豆五色東陵

瓜野衣裁薜葉山酒酌藤花白雲離望遠青谿隱路賒
儻憶幽巖桂猶冀折疎麻

在江南贈宋五之問

井絡雙源濬潯陽九派長淪一作輪波通地穴輸委下歸塘

別島籠朝蜃連洲擁夕漲一作陽韞珠澄一作成積潤讓鐔動浮

光浮光凝折水積潤疎圓沚玉輪涵地開劍閣一作屯連

星起風煙標迴秀英靈信多美懷德踐遺芳端操慙謀

已謀已謬觀光牽迹強悽惶揆拙迷三省勞生昧一作增兩

忘彈隨一作冠空被笑獻楚自多傷一朝殊默語千里易一作異

炎涼炎涼幾遷貿川一作木陸疲臻湊積水架吳濤連山橫

楚岫風月雖殊昔星河猶是舊姑蘇望南浦邯鄲通北

走北走平生親南浦別離津瀟湘一超忽洞庭多苦辛

秋江無綠芷寒汀有白蘋采之一作采將何遺故人漳水濱

漳濱已遼遠江潭未旋返為聽短歌行當想一作憶長洲苑

露金熏菊岸風佩搖蘭坂蟬鳴稻葉秋雁起蘆花晚晚

秋一作秋天雲日明亭臯風霧一作露清獨負平生氣重一作空牽搖落

情占星非聚德夢月詎懸名寂寥傷楚奏淒斷泣秦聲

秦聲懷舊里楚奏悲無已郢路少知音叢臺富奇士溫

輝凌愛日壯氣礪寒水一顧重風雲三冬足文史文史

盛紛綸京洛多風塵猶輕一作由來五車富未重一囊負李仙

非一作悲易託蘇鬼尚一作曲難因不惜勞歌盡誰為聽陽春

晚憇田家

轉蓬勞遠役披薜下田家山形類九折水勢急三巴懸
梁接斷岸澀路擁崩查霧巖淪曉魄風激漲寒沙心迹
一朝夕關山萬里賒龍章徒表越閩俗本殊華旅行悲
一作勞泛梗離贈折疎麻唯有寒潭菊獨似故園花

出石門

層巖遠接天絕嶺上樓烟松低輕蓋偃藤細弱絲一作鉤懸
石明如挂鏡苔分似列錢暫策為龍杖何處得神仙

至分陝

陝西開勝壤召南分沃疇列樹巢維鵲平渚下睢鳩憩
棠疑勿剪曳葛似攀樛至今王化美非獨在隆周

寓居洛濱對雪憶謝一作洛濱對雪
憶謝二兄弟

旅思眇難裁衝飈恨易哀曠望洛川晚飄飄瑞雪來積
彩明書幌流韻繞一作響琴臺色奪迎仙羽花避犯霜梅謝
庭賞方逸袁扉掩未開高人儻有訪興盡詎須回

北眺春陵

攬轡疲宵邁驅馬倦晨興旣出封泥谷還過避雨陵山
行明照上谿宿密雲蒸登高徒欲賦詞殫獨撫膺

夏日遊目聊作

暫屏囂塵累言尋物外情致逸心逾默神幽體自輕浦
夏荷香滿田秋麥氣清詎假滄浪上將濯楚臣纓

同崔駙馬曉初登樓思京

麗譙通四望繁憂起萬端綺疏低晚魄鏤檻肅初寒白

雲鄉思遠黃圖歸路難唯餘西向笑暫似當長安

月夜有懷簡諸同病

閑庭落景盡疎簾夜月通山靈響似應水淨望如空棲
枝猶繞鵲遵渚未來鴻可歎高樓婦悲思杳難終

敘寄員半千

薄宦三河道自負十餘年不應驚若厲祇爲直如弦坐
歷山川險吁嗟陵谷遷長吟空抱膝短翮詎冲天魂歸
滄海上望斷白雲前釣名勞拾紫隱迹自談玄不學多
能聖徒思鴻寶仙斯志良難已此道豈徒然嗟爲刀筆
吏恥從繩墨牽岐路情雖狎人倫地本偏長揖謝時事
獨往訪林泉寄言二三子生死不來旋

詠懷古意上裴侍郎

三十二餘罷鬢是潘安仁四十九仍入年非朱買臣縱
橫愁繫越坎壈倦遊秦出籠窮短翮委轍涸枯鱗窮經
磨一作不需用彈鋏欲誰申天子未驅策歲月幾沈淪輕生
長慷慨效死獨殷勤徒歌易水客空老渭川人一得視
邊塞萬里何苦辛劍匣胡霜影弓開漢月輪金刀動秋
色鐵騎想風塵為國堅誠款捐軀忘賤貧勒功思比憲
決略暗欺陳若不犯霜雪虛擲玉京春

春夜韋明府宅宴得春字

酌桂陶芳夜披薜嘯幽人雅琴馴魯一作野雉清歌落范一作梁
塵宿雲低迴蓋殘月上虛輪幸此承恩洽聊當故鄉春

過張平子墓

西鄂該通理。南陽擅德音。玉卮浮藻麗。銅渾積思深。忽懷今日昔。非復昔時今。日落豐碑暗。風來古木吟。惟歎窮泉下。終鬱羨魚心。

從軍中行路難二首

一作行軍軍中行路難 一作軍中行路難

君不見封狐雄虺自成羣。馮深負固結妖氛。玉璽分兵徵惡少。金壇受律動一作勸將軍。將軍擁旄宣廟略。戰士橫行一作戈靜夷落。長驅一息背銅梁。直指三巴登劍閣。閣道岩堯起戍樓。劍門遙裔俯靈丘。邛關九折無平路。江水雙源有急流。征役無期返。他鄉歲華晚。杳杳丘陵出。蒼蒼林薄遠。途危紫蓋峰。路澀青泥坂。去去指哀牢。行行

入不毛。絕壁千里。一作重險。連山四望高。中外分區宇。夷夏

殊風土。交趾枕南荒。昆彌臨北戶。川原繞一作饒毒霧。溪谷

多淫雨。行潦四時流。崩查千歲古。漂梗飛蓬不自安。捫

藤引葛度危巒。昔時聞道從軍樂。今日方知行路難。滄

江綠水東流駛。炎洲丹徼南中地。南中南斗映星河。秦

川秦塞阻煙波。三春邊地風光少。五月瀘中瘴癘多。朝

驅疲斥候。夕息倦樵歌。向月彎簫弱。連星轉太阿。重義

輕生懷一顧。東伐西征凡幾度。夜夜朝朝斑鬢新。年年

歲歲戎衣故。灞城隅。滇池水。天涯望轉積。地際行無已。

徒覺炎涼節物非。不知關山千萬里。棄置勿重陳。征行

多苦辛。且悅清笳楊柳曲。詎憶芳園桃李人。絳節朱旗

分白羽。丹心白刃酬明主。但令一被君王知。誰憚三邊

征戰苦。行路難。一本下有行路難坡路字幾千端。無復歸雲憑短翰。空餘

望日想長安。一本無空餘二字此篇一本作辛辛相詩

君不見玉關塵色暗邊庭。銅鞮雜虜寇長城。天子按劍

徵餘勇。將軍受脤事橫行。七德龍韜開玉帳。千里鼉鼓

壘。一作十重金鉦陰山苦霧埋高壘。交河孤月照連營。連營

去去無窮極。擁旆遙遙過絕國。陣雲朝結晦天山。寒沙

夕漲迷疎勒。龍鱗水上開魚貫。馬首山前振雕翼。長驅

萬里讐祁連。分麾三命武功宣。百發烏號遙碎柳。七尺

龍文迴照蓮。春來秋去移灰琯。蘭閨柳市芳塵斷。雁門

迢遞尺書稀。駕被相思雙帶緩。行路難。行路難。誓令氛

侵靜臯蘭。但使封侯龍額貴。詎一作隨隨中婦鳳樓寒。同辛常伯作

帝京篇

山河千里國。城闕九重門。不覩皇居壯。安知天子尊。皇

居帝里峻。函谷鶻野龍。山侯甸服。五緯連影。集星躔。八

水分流。橫地軸。秦塞重關。一百二。漢家離宮三十六。桂

殿欽一作陰岑一作峯對玉樓。椒房窈窕連金屋。三條九陌麗一作鳳

城隈。萬戶千門平旦開。複道斜通鳩鵲觀。交衢直指鳳

皇臺。劍履南宮入。簪纓北闕來。聲名冠寰宇。文物象昭

回。鉤陳肅蘭祀。璧沼浮槐市。銅羽一作雀應風回。金莖承露

起。校文天祿閣。習戰昆明水。朱邸抗一作接平臺。黃扉通戚

里。平臺戚里帶崇墉。炊一作灼金饌。玉待鳴鐘。小堂綺帳二

千戶大道青樓十二重。寶蓋雕鞍金絡馬。蘭窗繡柱玉

盤龍。繡一作綺柱璇題粉一作彩壁映。鏘金鳴玉王侯盛。王侯貴

人多近臣。朝遊北里暮南鄰。陸賈分金將讌喜。陳遵投

轄正一作尚留賓。趙李經過密。蕭朱交結親。丹鳳朱城白日

暮。青牛一作巾紺幘紅塵度。俠客珠彈垂楊道。倡婦銀鈎采

桑路。倡家桃李自芳菲。一作芬京華遊俠盛一作事。輕肥延年女

弟雙鳳一作飛入。羅敷使君千騎歸。同心結縷帶。連理織成

衣。春朝桂尊尊百味。秋夜蘭燈燈九微。翠幌珠簾不獨

映。清歌寶瑟自相依。且論三萬六千一作二是。寧知四十

九年非。古來榮一作名利若浮雲。人生倚伏信難分。始見田

竇相移奪。一作領代俄聞衛霍有功勳。未厭金陵氣。先開石槨

文。朱門無復張公子。灞亭誰畏李將軍。相顧百齡皆有
待。居然萬化咸應改。桂枝芳氣已銷亡。柏梁高宴今何
在。春去春來苦自馳。爭名爭利徒爾為。久留郎署終難
遇。空掃相門誰見知。紀事無春
去四句當時一作
莫矜一旦擅豪華。自言
千載長驕奢。倏忽搏風生羽翼。須臾失浪委泥沙。黃雀
一作
鶴徒巢桂。一作
桂青門遂種瓜。黃金銷鑠素絲變。一貴一賤
交情見。紅顏宿昔白頭新。脫粟布衣輕故人。故人有湮
淪。新知無意氣。灰死韓安國。羅傷翟廷尉。已矣哉。歸去
來。馬卿辭蜀多文藻。揚雄仕漢乏良媒。三冬自矜誠足
用。十年不調幾遭厄。汲黯薪逾積。孫弘閣未開。誰惜長
沙傅。一作
賦獨負洛陽才。

壽昔篇

少年重英俠。弱歲賤衣冠。既託寰中賞。方承膝下勸。遨

遊灞水

一作陵

曲。風月洛城端。且知無玉饌。誰肯逐金丸。金

丸玉饌盛繁華。自言輕侮季倫家。五霸爭馳千里馬。三

條競駕七香車。掩映飛軒乘落

一作夜

照。參差步障引

霞。池中舊水如懸鏡。

一作明月

屋裏新妝不讓花。意氣風雲

倏如昨。歲月春秋

一作去年來

屢回薄。上苑頻經柳絮飛。中園

幾見

一作梅

花落。當時門客今何在。疇昔交朋

莫

一作不

教憔悴損容儀。會得

一作在

高秋雲霧廓。淹留坐帝鄉。

無事積

一作度

炎涼。一朝披短褐。六載奉長廊。

一作長場

賦文慙

昔馬。執戟歎

一作慕

前揚。揮戈出武帳。荷筆入文昌。文昌隱

隱皇城裏。由來奕奕多才子。潘陸詞鋒駱一作驛飛。張曹

翰一作曹苑縱橫起。卿相未曾識。王侯寧見擬。垂釣甘成

白首翁一作徒負薪何處逢。知己判一作將運命賦窮通。從

來奇一作命舛任西東。不應一作永棄同芻狗。且復飄飄類轉

蓬容一作鬚年年異。春華歲歲同。榮親未盡禮。徇主欲申

功。脂車秣馬辭鄉一作國。縈一作轡西南使。邛夔玉壘銅梁

不易攀。地角天涯眇難測。驚轉蟬吟一作有悲望。鴻來雁

度無音息。陽關積霧萬里昏。劍閣連山千種色。蜀路何

悠悠。岷峯阻且修。回腸隨九折。迸淚連一作雙流。寒光一作

千里暮。露氣二江秋。長途看束一作馬。平水且沈牛。華陽

舊地標神制。石鏡蛾眉真一作秀麗。諸葛才雄已號龍。公

孫躍馬輕稱帝。五丁卓犖多奇力。四士英靈富一作用文藝。

雲氣橫開八陣形。橋影遙分七星勢。川平煙霧開遊戲。

錦城隈墉一作牆高龜望出一作步轉水淨雁文回。尋姝入酒肆。訪

客止琴臺。不識金貂重。偏惜玉山頽。他鄉冉冉消年月。

帝里沈沈限一作悠城闕。不見猿聲助客啼。唯聞旅思將

花發。我家迢遞關山裏。關山迢遞不可越。故園梅柳尚

餘春一作有餘來時一作春來勿使芳菲歇。解鞅一作秋欲言歸。執袂愴多

違。北梁俱握手。南浦共沾衣。別情傷去蓋。離念惜徂一作先

輝。知音何所托。木落雁南飛。回來望一作卧平陸。春來酒應

熟。相將菌閣卧一作望青溪一作沂且用藤杯泛黃菊。十年不調

一作達為負賤。白日屢遷隨倚伏。祇為須求負郭田。使我再

千州縣一作郡祿。自年鬱鬱少騰遷。萬里遙遙一作遙遙入鏡川。淡

吳一作江拂潮衝白日一作浪。淮海長波接遠天。叢竹凝朝露。孤

山起暝煙。賴有邊城月常伴一作來傍。客旌懸東南。美箭稱吳

會。名都隱軫三江外。塗山執玉應昌期一作朝。曲水開襟重

文會。仙鏞流音鳴鶴嶺。寶劍分輝落蛟瀨。未看白馬對

蘆芻。且覺浮雲似車蓋。江南節序多。文酒屢經過。共一作莫

踏春江曲。俱一作但唱采菱歌。舟移疑入鏡。棹舉若乘波。風

光無限極一作數。歸櫂礙池荷。眺聽烟霞正。流眄即從王事

歸。艫轉芝田花月一作發。屢裴回。金谷佳期重遊衍。登高北

望一作南適。啗梁叟。憑軾西征想。潘掾峯開華岳聳。疑蓮水激

龍門急如箭。人事謝光陰。俄遭霜露侵。偷存七尺影。分

沒九泉深窮途行泣玉憤路未藏金茹茶空徒一作有歎懷

橘獨傷心年來歲去成銷鑠懷抱心期漸寥落挂冠裂

冕已辭榮南畝東臯事耕鑿賓階客院常疏散蓬徑柴

扉終寂寞自有林泉堪隱棲何必山中事丘壑我住青

門外家臨素澹濱遙瞻丹鳳闕斜望黑龍津荒衢通獵

騎窮巷抵樵輪時有桃源客來訪竹林人昨夜琴聲奏

悲調旭旦含顰不成一作笑果乘驄馬發囂書復道郎官

稟綸誥一作治長非罪曾縲紲長孺然灰也經溺一作高一作門

有閱不圖封峻筆無聞斂敷妙適離京兆謗還從御史

一作彈一作炎威資一作夏景平曲况秋翰畫地終難入書空自

不安吹毛未一作可待搖尾且求食丈夫坎壈多愁疾契

潤。迤。澶。盡。今。日。慎。罰。寧。憑。兩。造。辭。嚴。科。直。挂。三。章。律。鄒

衍。銜。悲。繫。燕。獄。李。斯。抱。怨。拘。秦。極。一作格不。應。白。髮。頓。成。絲。

直。為。黃。沙。暗。如。漆。紫。禁。終。難。叫。朱。門。不。易。一作可排。驚。魂。聞

葉。落。危。魄。逐。輪。埋。霜。威。遙。有。厲。雪。杜。遠。一作枉更無。階。含。冤。欲

誰。道。飲。氣。獨。居。懷。忽。聞。驛。使。發。關。東。傳。道。天。波。萬。里。通。

涸。鱗。去。轍。還。遊。一作先遊海。幽。禽。釋。網。便。一作更翔。空。舜。澤。堯。曦。方

有。極。讒。言。巧。佞。儻。無。窮。誰。能。跼。迹。一作踏依。三。輔。會。就。商。山

訪。四。翁。

豔情代郭氏答盧照鄰

迢。迢。芊。一作芊路。望。芝。田。眇。眇。函。關。恨。一作限蜀。川。歸。雲。已。落。涪

江。外。還。雁。應。過。洛。水。渥。洛。水。傍。連。帝。城。側。帝。宅。層。臺。垂

向山低。簷前歸燕竝頭栖。抱膝當窗看夕兔。側耳空房
聽曉雞。舞蝶臨階祇自舞。啼鳥逢人亦助啼。獨坐傷孤
枕。春來悲更甚。峨眉山上月如眉。濯錦江中霞似錦。錦
字回文欲贈君。劍壁層峰自糾紛。平江淼淼分清浦。長
路悠悠間白雲。也知京洛多佳麗。也知山岫遙虧蔽。無
那短封即疎索。不在長情守期契。傳聞織女對牽牛。相
望重河隔淺流。誰分迢迢經兩歲。誰能脉脉待三秋。情
知唾井終無理。情知覆水也難收。不復下山能借問。更
向盧家字莫愁。

代女道士王靈妃贈道士李榮

玄都五府風塵絕。碧海三山波浪深。桃實千年非易待。

桑田一變已難尋。別有仙居對三市。金闕銀宮相向起。
臺前鏡影伴仙娥。樓上簫聲隨鳳史。鳳樓迢遞絕塵埃。
鶯時物色正徘徊。靈芝紫檢參差長。仙桂丹花重疊開。
雙童綽約時遊陟。三鳥聯翩報消息。盡言真侶出遨遊。
傳道風光無限極。輕花委砌惹裾香。殘月窺窗覘幌色。
箇時無數併妖妍。箇裏無窮總可憐。別有衆中稱黜帝。
天上人間少流例。洛濱仙駕啟遙源。淮浦靈符遠策。
自言少小慕幽玄。只言容易得神仙。珮中邀勒經時序。
簫裏尋思復幾年。尋思許事真情變。二八容華識少選。
漫道燒丹止七飛。空傳化石曾三轉。寄語天上弄機人。
寄語河邊值查客。乍可怱怱共百年。誰使遥遥期七夕。

想知人意自相尋。果得深心共一心。一心一意無窮已。
投漆投膠非足擬。只將羞澁當風流。持此相憐保終始。
相憐相念倍相親。一生一代一雙人。不把丹心比玄石。
惟將濁水況清塵。只言柱下留期信。好欲將心學松蔭。
不能京兆畫蛾眉。翻向成都騁駟羸。青牛紫氣度靈關。
尺素艷鱗去不還。連苔上砌無窮綠。修竹臨壇幾處斑。
此時空牀難獨守。此日別離那可久。梅花如雪柳如絲。
年去年來不自持。初言別在寒偏在。何悟春來春更思。
春時物色無端緒。雙枕孤眠誰分許。分念嬌鶯一種啼。
生憎燕子千般語。朝雲旭日照青樓。暹暉麗色滿皇州。
落花泛泛浮靈沼。垂柳長長拂御溝。御溝大道多奇賞。

俠客妖容遞來往。寶騎連花鐵作錢。香輪驚水珠為網。
香輪寶騎競繁華。可憐今夜宿倡家。鸚鵡杯中浮竹葉。
鳳凰琴裏落梅花。許輩多情偏送款。為問春花幾時滿。
千回鳥信說衆諸。百過鶯啼說長短。長短衆諸判不尋。
千回百過浪關心。何曾舉意西鄰玉。未肯留情南陌金。
南陌西鄰咸自保。還纔歸期須及早。為想三春狹斜路。
莫辭九折邛關道。假令白里似長安。須使青牛學劍端。
蘋風入馭來應易。竹杖成龍去不難。龍颺去去無消息。
鸞鏡朝朝減容色。君心不記下山人。妾欲空期上林翼。
上林三月鴻欲稀。華表千年鶴未歸。不分淹留桑路待。
祇應直取桂輪飛。

林風直吹掛鐘瓶

上林三氏新益薛華素子辛齋未滿不食黃留桑乳食
掃殘陳博端容出故少不致下山入是於空構上林監
神風入烟來無異計林風請去不轉難翻去去無術真
莫籍式被不關道跡今白聖四云安成對青牛學險盡
南面西橋如自計聖譽誠供應及早為時三春焚燒獨
千四百餘身關以所曾舉意應職五未肯留計南面金
千回無計驚眾語日品當新寫身賦身致來論既下不
鳳凰琴裏慕林亦指輩之款計並殊為問春芬幾幾
香舖賣調整繁華百謝今齊許臥不響誇林中
刻容妝容與來卦寶詞與芬難於香舖筆水

全唐詩

駱賓王

從軍行

平生一顧重一作念意氣溢三軍
棼日分戈影天星合劍文
弓弦抱漢月馬足踐胡塵
不求生入塞唯當死報君

王昭君

一作昭君怨

歛容辭豹尾緘恨度龍鱗
金鈿明漢月玉筋染胡塵
古一作妝鏡菱花暗愁眉柳葉顰
唯有清笳曲時聞芳樹春

於紫雲觀贈道士

并序

余鄉國一辭江山萬里昔年離別還同塞北之鳧
今日歸來即似遼東之鶴先生情均得免忘筌之

契已深路是亡羊分岐之恨逾切不題短什何汰

衷襟

碧落澄秋景玄門啟曙闕人疑列禦至客似令威還羽
蓋徒欣仰雲車未可攀祇應傾玉醴時許寄顏顏

渡瓜步江

捧檄辭幽徑鳴榔下貴

一作貴

洲驚濤疑躍馬積氣似連牛

月迴寒沙淨風急夜江秋不學浮雲影他鄉空

一作空

滯留

途中有懷

矐然懷楚奏悵矣背秦關涸鱗驚照

一作照

轍墜羽怯虛響

素服三川化烏裘十上還莫言無皓齒時俗薄朱顏

至分水戍

行役忽離憂復此
愴分流濺石回湍咽
縈叢曲澗幽陰
巖常結晦宿莽競
含秋況乃霜晨早
寒風入戍樓

望鄉夕泛

歸懷剩不安促榜
犯風濶落宿含樓
近浮月帶江寒喜
逐行前至憂從望
裏寬今夜南枝鵲
應無繞樹難

查平亦久客臨海有懷

天涯非日觀地叱
望星樓練光搖亂
馬劍氣上連牛草
濕姑蘇夕葉下洞
庭秋欲知悽斷意
江上涉安流

游充部逢孔君自衛來欣然相遇若舊

遊入自衛返背客
隔淮來傾蓋金蘭
合忘筌玉葉開繁
花明日柳疎蕊落
風梅將期重交態
時慰不然灰

西京守歲

閑居寡言宴獨坐慘風塵忽見嚴冬盡方知列宿春夜
將寒色去年共曉光新耿耿他鄉夕無由展舊親

同辛簿簡仰酬思玄上人林泉四首

聞君招隱地髣髴武陵春緝芟知還楚披榛似避秦崩
查年祀積幽草歲時新一謝滄浪水安知有逸人

芳晨臨上月幽賞狎中園有蝶堪成夢無羊可觸藩忘
懷南澗藻蠲思北堂萱坐歎華滋歇思君誰爲言

林泉恣探歷風景暫衰徊客有遷鶯處人無結駟來聚
花如薄雪沸水若輕雷今日徒招隱終知異鑿坏

俗遠風塵隔春還初服遲林疑中散地人似上皇時芳

杜湘君曲幽蘭楚客詞山中有春草長似寄相思

秋月餞陸道士陳文林

并序

陸道士將遊西輔通莊指浮氣之關陳文林言返
東吳修途走落星之浦於是維舟錦水藉蘭若以
開筵綈騎金堤泛榴花於祖道于時赤煙沈節青
女司晨霜雁銜蘆舉賓行而候氣寒蟬噪柳帶涼
序以含情加以山接太行聳羊腸而飛蓋河通少
海疏馬頰以開瀾登高切送歸之情臨水感逝川
之歎旣而嗟別路之難駐惜離尊之易傾雖漆園
筌蹄已忘然一作言於道術而陟陽風雨尚抒情於詠
歌各賦一言同爲四韻庶幾別後有暢離憂云爾

青牛遊華嶽赤馬

一作鳥

走吳宮玉柱離鴻怨金壘浮蟻空

日霽嶠陵雨塵起洛陽風唯當玄度月千里與君同

送鄭少府入遼共賦俠客遠從戎

邊烽警榆塞俠客度桑乾柳葉開銀鏑桃花照玉鞍滿
月臨弓影連星入劍端不學燕丹客空歌易水寒

送費六還蜀

星樓望蜀道月峽指吳門萬行流別淚九折切驚魂雲
影含花落雲陰帶葉昏還愁三徑晚獨對一清尊

秋日送侯四得彈字

我留安豹隱君去學鵬搏岐路分襟易風雲促膝難夕
漲流波急秋山落日寒惟有思歸引悽斷爲君彈

秋日送尹大赴京

并序

尹大官三冬道暢指蘭臺而拾青薛六郎四海情
深飛桂尊而舉白于時兔苑東上龍火西流劍彩
沈波碎楚蓮於秋水金輝照岸秀陶菊於寒堤旣
切送歸之情彌軫窮途之感重以清江帶地聞吳
會於星津白雲在天望長安於日路人之情也能
不悲乎雖道術相望叶神交於靈府而風煙懸隔
貴申心於翰林請振詞鋒用開筆海人爲四韻用
慰九秋

挂瓢余隱舜負鼎爾干湯竹葉離罇滿桃花別路長
低河耿秋色落月抱寒光素書如可嗣幽谷竚賓行

秋夜送閻五還潤州

并序

閻五宮言返維桑修途指金陵之地李六郎交深
投漆開筵浮白玉之尊于時璧彩澄虛漏輕光於
雲葉珪陰散迴搖碎影於風梧雖桂醕蘭缸暫淹
留於一夕而青山黃鶴將惆悵於九秋請勒四言
俱伸五際

通莊抵舊里溝水泣新知斷雲飄易滯連露積難披素
風啼一作迴堞驚月繞疎枝無力勵短翰輕舉送長離

送王明府參選賦得鶴

振衣遊紫府飛蓋背青田虛心恒警露孤影尚凌煙離
歌悽妙曲別操繞繁弦在陰如可和清響會聞天

秋日送別

寂寥心事晚搖落歲時秋共此傷年髮相看惜去留當
歌應破涕哀命返窮愁別後能相憶東陵有故侯

別李嶠得勝字

芳尊徒自滿別恨轉難勝客似遊江岸人疑上灞陵寒
更承夜永涼景向秋澄離心何以贈自有玉壺冰

在兗州餞宋五之問

淮沂泗水地梁甫汶陽東別路青驪遠離尊綠蟻空柳
寒凋密翠棠晚落疎紅別後相思曲悽斷入琴風

遊靈公觀

靈峰一作標勝境一作神府枕通川玉殿斜連漢金堂迴架

煙斷風疎晚竹流水切危弦別有青門外空懷玄圃仙
夏日遊山家同夏少府

返照下層岑物外狎招尋蘭徑薰幽珮槐庭落暗金谷
靜風聲徹山空月色深一遣樊籠累唯餘松桂心

初秋登王司馬樓宴得同字

并序

司馬公千里騰光翼外臺而展足九日多暇敞麗
譙以開筵于時葭散秋灰檀移夏火鴻飛漸陸流
斷吹以來寒鶴鳴在陰振中天而警露于是餽開
玉饌交雜佩而薰蘭酒泛金翹映清尊而湛菊雖
傍臨廣派有異章渠之遊而俯瞰崇墉雅叶城隅
之會物色相召江山助人請振翰林用濡筆海云

爾

展驥端居暇登龍喜一作嘉宴同締賞三清滿承歡六義通
野晦寒陰積潭虛夕照空顧慙非夢鳥濫此厠雕蟲

初秋於竇六郎宅宴

并序

六郎道合采葵嘯懸鶉而契賞諸君情諧伐木仰
登龍以締歡于時一葉驚寒下陳柯而捲翠百花
凝照澹虛牖以披紅旣而俱欣得免之情共掩亡
羊之淚物我雙致匪石席以言蘭心口兩齊混汗
隆而酌桂雖忘筌戴笠興交態於靈臺而擗管操
觚叶神心於勝氣盍陳六義詩賦一言即事凝毫
成者先唱云爾

千里風雲契一朝心賞同意盡深交合一作通神靈俗累

空草帶一作砌銷寒翠花枝發一作紅夜紅唯將澹若水長揖古

人風

冬日宴

二三物外友一百杖頭錢賞洽袁公地情披樂令天促
席鸞觴滿當爐獸炭然何須攀桂樹逢此自留連

鏤雞子

幸遇清明節欣逢舊練人刻花爭臉態寫月競眉新
暈罷空餘月詩成併道春誰知懷玉者含響未吟晨

詠美人在天津橋

美女出東鄰容與上天津整衣香滿路移步襪生塵水

下看妝影眉頭畫月新寄言曹子建箇是洛川神

千里平送宋五之問得涼字

願言遊泗水支離去二漳道術君所篤筌蹄余自忘雪

威侵竹冷秋爽帶池涼欲驗離襟切岐路在他鄉

憲臺出紮寒夜有懷

獨坐懷明發長謠苦未安自應迷北叟誰肯問南冠生

死交情異殷憂歲序闌空餘朝夕鳥相伴夜啼寒

送郭少府探得憂字

開筵枕德水輟棹艤仙舟貝闕桃花浪龍門竹箭流當

歌悽別曲對酒泣離憂還望青門外空見白雲浮

冬日過故人任處士書齋

神交尚投漆虛室罷遊蘭網積窗文亂苔深履跡殘雪
明書帳冷水靜墨池寒獨此琴臺夜一作上流水為誰彈

送劉少府遊越州

一丘余枕石三越爾懷鈇離亭分鶴蓋別岸指龍川露

下一作背夏蟬聲斷寒來一作來寒雁影連如何溝水上悽斷聽離弦

賦得白雲抱幽石一無賦得二字

重巖抱危石幽澗曳輕雲繞鎮仙衣動飄蓬羽蓋分錦

色連花靜苔光帶葉熏詎知吳會影長抱穀城文

賦得春雲處處生一無賦得二字

千里年光靜四望春雲生一作暫日祥光舉疎雲瑞葉輕

蓋陰籠迴樹陣影抱危城非將吳會遠飄蕩帝鄉情

在獄詠蟬

并序

余禁所禁垣西是法廳事也有古槐數株焉雖生
意可知同殷仲文之古樹而聽訟斯在即周召伯
之甘棠每至夕照低陰秋蟬疎引發聲幽息有切
嘗聞豈人心異於曩時將蟲響悲於前聽嗟乎聲
以動容德以象賢故潔其身也稟君子達人之高
行蛻其皮也有仙都羽化之靈姿候時而來順陰
陽之數應節爲變審藏用之機有目斯開不以道
昏而昧其視有翼自薄不以俗厚而易其真吟喬
樹之微風韻資天縱飲高秋之墜露清畏人知僕
失路艱虞遭時徽纆不哀傷而自怨未搖落而先

衰聞蟋蟀之流聲悟平反之已奏見螳螂之抱影
怯危機之未安感而綴詩貽諸知己庶情沿物應
哀弱羽之飄零道寄人知憫餘聲之寂寞非謂文

墨取代幽憂云爾

西陸蟬聲唱南冠客思侵那堪玄鬢影來對白頭吟露
重飛難進風多響易沈無人信高潔誰爲表予心

詠水

列名通地紀疎派合天津波隨月色淨態逐桃花春照
霞如隱石映柳似沈鱗終當挹上善屬意澹交人

同張三詠雁

唼藻滄江遠銜蘆紫塞長霧深迷曉景風急斷秋行陣

照通宵月書封幾夜霜無復能鳴分空知愧稻梁

詠雪

龍雲玉葉上鶴雪瑞花新影亂銅烏吹光銷玉馬津含

輝明

一作朗

素篆隱迹表

一作奉

祥輪幽蘭不可儷徒自繞陽春

詠雲酒

朔空曾紀曆帶地舊疏泉色泛臨碭瑞香流赴蜀仙款
交欣散玉洽友悅沈錢無復中山賞空吟吳會篇

塵灰

洛川流雅韻秦道擅苛威聽歌梁上動應律管中飛光
飄神女襪影落羽人衣願言心未翳終冀效輕微

秋晨同淄川毛司馬秋九詠

秋風

紫陌炎氛一作氣歇青蘋晚吹浮亂竹搖疎影縈池織細流

飄香曳舞袖帶粉泛妝樓不分君恩絕紈扇曲中秋

秋雲

南陸銅渾改西郊玉葉輕泛斗瑤光動一作暗臨陽瑞色明

蓋陰連鳳闕陣影翼龍城詎知時不遇空傷流滯情

秋蟬

九秋行已暮一枝聊暫安隱榆非諫楚噪柳異悲潘分

形妝薄鬢鏤影飾危冠自憐疎影斷寒林夕吹寒

秋露

玉關寒氣早金塘秋色一作氣歸泛掌光逾淨添荷一作河滴尚

微變霜凝曉液承月委圓輝別有吳臺上應濕楚臣衣

秋月

雲披玉繩淨月一作桂滿鏡輪一作光圓衰露珠暉一作朱花冷凌霜桂

影一作純弱寒漏彩含疎薄浮光漾急瀾西園徒自賞南飛終

未安

秋水

貝一作金闕寒流徹玉輪秋浪清圖雲錦色淨寫月練花明

泛曲鷗弦動隨軒鳳轄驚唯當御溝上悽斷送歸情

秋螢

玉虬分靜夜金螢照晚涼含輝疑泛月帶火怯凌霜散

彩縈虛牖飄花繞洞房下帷如不倦當解惜餘光

秋菊

擢秀三秋晚開芳十步中分黃俱笑日含翠共搖風碎
影涵流動浮香隔岸通金翹徒可泛玉笋竟誰同

秋雁

聯翩辭海曲遙曳指江干陣去金河冷書歸玉塞寒帶
月凌空易迷煙逗浦難何當同顧影刷羽泛清瀾

樂大夫挽詞五首

可歎浮生促吁嗟此路難丘陵一起恨言笑幾時懽蕭
索郊埏晚荒涼井徑寒誰當門下客獨見有任安
蒿里誰家地松門何代丘百年三萬日一別幾千秋
照寒無影窮泉凍不流居然同物化何處欲藏舟

昔去梅笳發今來薤露晞彤駟朝帝闕丹旄背王畿城
郭猶疑是原陵稍覺非九原如可作千載與誰歸

一旦先朝菌千秋掩夜臺青烏新兆去白馬故人來草
露當春泣松風向暮哀寧知荒隴外弔鶴自裴徊

忽見泉臺路猶疑水鏡懸何如開白日非復覩青天華
表迎千歲幽扃送百年獨嗟流水引長掩伯牙弦

丹陽刺史挽詞三首

百齡嗟倏忽一旦向一作山阿丹桂銷已一作盡青松哀更

一作思多薰風虛聽曲薤露反成歌自有藏舟處誰憐隙駟

過

則愴恒山羽留連棣萼篇佳城非舊日京兆即新阡城

郭三千歲丘陵幾萬年唯餘松柏壠朝夕起寒煙
短歌三獻曲長夜九泉臺此室玄扃掩何年白日開荒
郊疎古木寒隧積陳芟獨此傷心地松聲薄暮來

稱心寺

征帆恣遠尋逶迤過稱心凝滯蘅蒹岸泐澗楮柚林穿
激不厭曲艤潭惟愛深爲樂凡幾許聽取舟中琴

陪潤州薛司空丹徒桂明府遊招隱寺

共尋招隱寺初識戴顓家還依舊泉壑應改昔雲霞綠
竹寒天筍紅蕉臘月花金繩倘留客爲繫日光斜

全唐詩

駱賓王

棹歌行

寫月塗黃罷凌波拾翠通鏡花搖芰日衣麝入荷風葉
密舟難蕩蓮疎浦易空鳳媒羞自托鴛翼恨難窮秋一作愁
帳燈華一作光翠倡樓粉色紅相思無別曲併在棹歌中

海曲書情

薄遊倦千里勞生負百年未能槎上漢詎肯劍遊燕白
雲照春海青山橫曙天江濤讓雙壁渭水擲三錢坐惜
風光晚長歌獨塊然

蓬萊鎮

旅客春心斷邊城夜望高野樓疑海氣白鷺似江濤結
綬疲三入承冠泣二毛將飛憐弱羽欲濟乏輕舳賴有
陽春曲窮愁且代勞

和李明府

傳聞葉縣履飛向洛陽城馳道臨層掖津門對小平霞
殘疑製錦雲度似飄纓藻掞潘江澈塵虛范甑清詎憐
衝斗氣猶向匣中鳴

春晚從李長史遊開道林故山

幽尋極幽壑春望陟春臺雲光棲斷樹靈影入仙杯古
藤依格上野徑約山隈落葉翻風去流鶯滿樹來興闌
荀御動歸路起浮埃

冬日野望

故人無與晤安步陟山椒野靜連雲卷川明斷霧銷靈巖聞曉籟洞浦漲秋潮三江歸望斷千里故鄉遙勞歌徒自奏客魂誰爲招

晚渡黃河

千里尋歸路一葦亂平源通波連馬頰逆水急龍門照日榮光淨驚風瑞浪翻棹唱臨風斷樵謳入聽喧岸迥秋霞落潭深夕霧繁誰堪逝川上日暮不歸魂

宿山莊

金陵一超忽玉燭幾還周露積吳臺草風入郢門楸林虛宿斷霧磴險挂懸流拾青非漢策化緇類秦裘牽迹

猶多蹇勞生未寡尤獨此他鄉夢空山明月秋

晚度天山有懷京邑

忽上天山路依然想物華雲疑上苑葉雪似御溝花行
歎戎麾遠坐憐衣帶賒交河浮絕塞弱水浸流沙旅思
徒漂梗歸期未及瓜寧知心斷絕夜夜泣胡笳

夕次蒲類津

一作晚
泊蒲類

二庭歸望斷萬里客心愁山路猶南屬河源自北流晚
風連朔氣新月照邊秋竈火通軍壁烽煙上戍樓龍庭
但苦戰燕頷會封侯莫作蘭山下空令漢國羞

遠使海曲春夜多懷

長嘯三春晚端居百慮盈未安胡蝶夢遽切魯禽情別

島連寰海離魂斷戍城流星疑伴使低月似依營懷祿
寧期達牽時匪狗名艱虞行已遠時一作迹自相驚

早發諸暨

征夫懷遠路夙駕上危巒薄煙橫絕巘輕凍澁回湍野
霧連空暗山風入曙寒帝城臨灞溪禹穴枕江干橘性
行應化蓬心去不安獨掩窮途淚長歌行路難

望月有所思

九秋涼風一作肅千里月華開圓光隨露湛碎影逐波來
似霜明玉砌如鏡寫珠胎晚色依關近邊聲雜吹哀離
居分照耀怨緒共裴徊自繞南飛羽空黍北堂才

送吳七遊蜀

日觀分齊壤星橋接蜀門桃花嘶別路竹葉瀉離樽夏

老一作畫蘭猶茂秋深一作新柳尚繁霧銷山望迴風高野聽喧

勞歌徒欲奏贈別竟無言唯有當秋月空照野人園

西行別東臺詳正學士

意氣坐相親關河別故人客似一作自秦川上歌疑一作從易水

濱塞荒行辨玉臺遠尚名輪洩井懷邊將尋源重漢臣

上苑梅花早御溝楊柳新只應持此曲別作邊城春

和王記室從趙王春日遊陀山寺

鳥旛陪訪道鷺嶺狎棲真四禪明靜業三空廣勝因祥

河疎疊澗慧日皎重輪葉暗龍宮密花明鹿苑春彫談

筌奧旨妙辯漱玄津雅曲終難和徒自奏巴人

夏日夜憶張二

伏枕憂思深擁膝獨長吟烹鯉無尺素筌魚勞寸心
疎麻空有折芳桂湛無斟廣庭含夕氣閑宇澹虛陰
織蟲垂夜砌驚鳥棲暝林驩娛百年促羈病一生侵
詎堪孤月夜流水入鳴琴

寒夜獨坐遊子多懷簡知己

故鄉眇千里離憂積萬端鶉服長悲碎蝸廬未卜安富
鉤徒有想貧鈇爲誰彈柳秋風葉脆荷曉露文團晚金
叢岸菊餘佩下幽蘭伐木傷心易維桑歸去難獨有孤
明月時照客庭寒

在軍中贈先還知己

蓬轉俱行役，瓜時獨未還。
魂迷金闕路，望斷玉門關。
獻凱多慙霍，論封一作功幾謝班。
風塵催白首，歲月損紅顏。
落雁低秋塞，驚鳧起暝灣。
胡霜如劍鏑，漢月似刀環。
別後邊庭樹，相思幾度攀。

秋日山行簡梁大官

乘馬陟層阜，回首睇山川。
攢峰銜宿霧，疊嶽架寒煙。
百重含翠色，一道落飛泉。
香吹分巖桂，鮮雲抱石蓮。
地偏心易遠，致默體逾玄。
得性虛遊刃，忘言已棄筌。
彈冠勞巧拙，結綬倦牽纏。
不如從四皓，丘中鳴一弦。

晚泊江鎮

四運移陰律，三翼泛陽侯。
荷香銷晚夏，菊氣入新秋。
夜

鳥喧粉堞宿雁下蘆洲海霧籠邊徼江風繞戍樓轉蓬
驚別渚徙橘愴離憂魂飛灞陵岸淚盡洞庭流振影希
鴻陸逃名謝蟻丘還嗟帝鄉遠空望白雲浮

浮槎

并序

遊目川上觀一浮槎泛泛然若木偶之乘流迷不
知其所適也觀其根柢盤屈枝榦扶疎大則有棟
梁舟楫之材小則有輪轆榱桷之用非夫稟乾坤
之秀氣含宇宙之淳精孰能負凌雲禦日之姿抱
積雪封霜之骨向使懷材幽藪藏穎重巖絕望於
巖廊之榮遺形於斤斧之患固可垂蔭萬畝懸映
九霄與建木較其短長將大椿齊其年壽者而委

根險岸託質畏途上爲疾風衝颺所摧殘下爲奔
浪迅波所激射基由壤括勢以地危豈盛衰之理
繫乎時封植之道存乎我一墜泉谷萬里飄淪與
波浮沈隨時逝止雖殷仲文歎生意已盡孔宣父
知朽質難雕然而遇良工逢仙客牛礪可託玉璜
之路非遙匠石先談萬乘之器何遠故材用與不
用時也悲夫然知萬物之相應感者亦奚必同聲
同氣而已哉感而賦詩貽諸同疾云爾

昔負千尋質高臨九仞峰真心凌晚桂勁節掩寒松忽
值風颺折坐爲波浪衝摧殘空有恨擁腫遂無庸渤海
三千里泥沙幾萬重似舟飄不定如梗泛何從仙客終

難托良工豈易逢徒懷萬乘器誰爲一先容

晚泊河曲

二秋倦行役千里泛歸潮
通波竹箭水輕舸木蘭橈
金隄連曲岸貝闕影浮橋
水淨千年近星飛五老遙
疊花開宿浪浮葉下涼
颺浦荷疎晚葯津柳漬寒
條恹勞梗泛悽斷倦蓬飄
仙槎不可託河上獨長謠

早發淮口望盱眙

養蒙分四瀆習坎奠三荆
徙帝留餘地封王表舊城
岸昏涵蜃氣潮滿應雞聲
洲迴連沙靜川虛積溜明
一朝從捧檄千里倦懸旌
背流桐柏遠逗浦木蘭輕
小山迷隱路大塊切勞生
唯有貞心在獨映寒潭清

邊城落日

紫塞流沙北黃圖灞水東一朝辭俎豆萬里逐沙蓬候
月恒持滿尋源屢鑿空野昏邊氣合烽迴戍煙通膂力
風塵倦疆場歲月窮河流控積石山路遠崆峒壯志凌
蒼兕精誠貫白虹君恩如可報龍劍有雌雄

宿溫城望軍營

虜地寒膠折邊城夜柝聞兵符關帝闕天策動將軍塞
一作靜胡笳徹沙明楚練分風旗翻翼影霜劍轉龍文白
羽搖如月青山斷若雲煙疎疑卷幔塵滅似銷氛投筆
懷班業臨戎想顧勲還應雪漢恥持此報明君

過故宋

舊國千年盡荒城四望通雲浮非隱帝日舉類遊童綺
琴朝化洽祥石夜論空馬去遙奔鄭蛇分近帶豐池文
斂東水竹影漏寒叢困兎承行月川禽避斷風故宋誠
難定從梁事未工唯當過周客獨愧吳臺空

邊夜有懷

漢地行逾遠燕山去不窮城荒猶築怨碣毀尚銘功古
戍煙塵滿邊庭人事空夜關明隴月秋塞急胡風倚伏
良難定榮枯豈易通旅魂勞泛梗離恨斷征蓬蘇武封
猶薄崔駟宦不工惟餘北叟意欲寄南飛鴻

傷祝阿王明府

并序

夫心之悲矣非關春秋之氣聲之哀也豈移金石

之音何則事感則萬緒興端情應則百憂交軫是
以宣尼舊館流襟動激楚之悲孟嘗高臺承睫下
聞琴之淚祝阿王明府毓德丹穴襲吉黃裳靈基
峙金闕之峰層源瀨玉輪之坂旣而鴻飛漸陸將
騁平輿之龍鶴鳴在陰爰絆朝歌之驥乃當名懸
闕月德貫陳星豈徒遽切夢瓊掩沈連石嗟乎輪
銷桂魄驅珠毀貝闕之前斗散紫氛龍劍沒延平
之水某昔承嘉惠曲荷恩光留連嘯歌從容風月
撫心陳迹泣血連如然而始終者萬物之大歸生
死者百年之常分雖則知理之可有而未曉情之
可無聊綴悲歌敢貽同好諸君或締交三益列宰

一司或叶契筌蹄投心膠漆如比肩於千里遽傷
魂於九原既切芝焚彌深蕙歎盡言四始同賦七
哀庶蘭室流薰襲遺芳而化德故蓬心申拙效庸
音於起予觸目多懷周增流慟

洛川真氣上重泉惠政融含章光後烈繼武嗣前雄與
善良難驗生涯忽易窮翔鳧猶化履狎雉尚馴童錢滿
荒階綠塵浮虛帳紅夏餘將宿草秋近未驚蓬煙晦泉
門閉日盡一作夜臺空誰堪孤隴外獨聽白楊風

曲四月八日題七級

化城分鳥堞香閣俯龍川複棟侵黃道重簷架紫煙銘
書非晉代壁畫是梁年霸略今何在王宮尚巋然二帝

曾遊聖三卿是偶賢因一作昔茲遊勝侶超彼託良緣我出

有為界君登非想天悠悠青曠裏蕩蕩白雲前今日經

行處曲音一本缺此字號蓋煙

和孫長史秋日卧病

霍第疏天府潘園近帝臺調弦三婦至置驛五侯來尚

想歡娛洽吁嗟歲月催金壇分上將玉帳引瓊材決勝

鯨波靜騰謀鳥谷開白雲淮水外紫陌灞陵隈節變驚

衰柳笳繁思落梅調神和玉燭挾藻握珠胎悵矣欣懷

土居然欲死灰還因承雅曲暫喜躍沈鯁

餞鄭安陽入蜀

彭山一作門折坂外井絡少城隈地是三巴俗人非百里材

畏

一作長

途君悵望岐

一作別

路我裴徊心賞風煙隔容華歲月

催遙遙分鳳野去去轉龍媒遺錦非前邑鳴琴即舊臺
劍門千仞起石路五丁開海客乘槎渡仙童馭竹回魂
將離鶴遠思逐斷猿哀唯有雙鳧鳥飛去復飛來

詠懷

少年識事淺不知交道難一言芬若桂四海臭如蘭寶
劍思存楚金鎚許報韓虛心徒有託循迹諒無端太息
關山險吁嗟歲月闌忘機殊會俗守拙異懷安阮籍空
長嘯劉琨獨未懽十步庭芳斂三秋隴月團槐疎非盡
意松晚夜凌寒悲調弦中急窮愁醉裏寬莫將流水引
空向俗人彈

春日離長安客中言懷

一作春
霽早行

年華開早律，霽色蕩芳晨。
城闕千門曉，山河四望春。
御溝通太液，戚里對平津。
寶瑟調中婦，金罍引上賓。
劇談推曼倩，驚坐揖陳遵。
意氣一言合，風期萬里親。
自惟安直道，守拙忌因人。
談器非先木，一作先
蟠木圖榮異後薪。
柳榆慙路鬼，樵悴切波臣。
玄草終疲漢，烏裘幾滯秦。
生涯無歲月，岐路有風塵。
還嗟太行道，處處白頭新。

夕次舊吳

維舟背楚服，振策下吳畿。
盛德弘三讓，雄圖枕一作
抗九圍。
黃池通霸迹，赤壁暢戎威。
文物俄遷謝，英靈有盛衰。
行歎鴟夷沒，遽惜湛盧飛。
地古煙塵暗，年深館宇稀。
山川

望是人事一朝非懸劍空留信亡珠尚識機鄭風遙
可託關月眇一作難依西北雲逾滯東南氣轉微徒懷伯
通隱多謝買臣歸唯有荒臺露薄暮濕征衣

早秋出塞寄東臺詳正學士

促駕踰三水長驅望五原天階分斗極地理接樓煩溪
月明關隴戎一作雲聚塞垣山川殊物候風壤異涼暄戍
古秋塵合一作沙寒宿霧繁昔余迷學步投迹忝詞源蘭
渚浮延閣蓬山款禁園影纓陪綬冕載筆偶璵璠汲冢
寧詳蠹秦牢詎辨冤一朝從篚服千里駕輕軒鄉夢隨
魂斷邊聲入聽喧南圖終鍛翮北上遽催轆弔影慙連
茹浮生倦觸藩數奇何以託桃李自無言

幽繫書情通簡知已

昔歲逢揚意

一作陽曆

觀光貴

一作貴

楚材穴疑丹鳳起場似白駒

來一命淪騎餌三緘慎禍胎不言勞倚伏忽此溝澶迴

驄馬刑章峻蒼鷹獄吏猜絕縑非易辨疑壁果難裁揆

畫

一作擦社

慙周道端憂滯夏臺生涯一滅裂岐路幾袞徊青

陸春芳動黃沙旅思催圓扉長寂寂疎網尚恢恢入窀

先

一作方

搖尾迷津正曝腮覆盆徒望日蟄戶未經雷霜歇

蘭猶敗風多木屢摧地幽蠶室閉門靜雀羅開自憫秦

冤痛誰憐楚奏哀漢陽窮鳥客梁甫卧龍才有氣還衝

斗無時會鑿坏莫言韓長孺長作不然灰

久戍邊城有懷京邑

擾擾風塵地，遑遑名利途。盈虛一易舛，心迹兩難俱。
弱齡小山志，寧期大丈夫。九微光賁玉，千仞忽彈珠。
棘寺游三禮，蓬山遙八儒。懷鉛慙後進，投筆願前驅。
北走非通趙，西之似化胡。錦車朝促候，刁斗夜傳呼。
戰士青絲絡，將軍黃石符。連星入寶劍，半月上彫弧。
拜井開疎勒，鳴桴動密須。戎機習短蔗，祆祲靜長榆。
季月炎初盡，邊亭草早枯。層陰籠古木，窮色變寒蕪。
海鶴聲嘹唳，城烏尾畢逋。葭繁秋色引，桂滿夕輪虛。
行役風霜久，鄉園夢想孤。灞池遙夏國，秦海望陽紆。
沙塞三千里，京城十二衢。楊溝連鳳闕，槐路擬鴻都。
璧殿規宸象，金堤法斗樞。雲浮西北蓋，月照東南隅。
寶帳垂連理，銀牀轉轆轤。廣

筵留上客豐饌引中廚漏緩金徒箭嬌繫玉女壺秋濤
飛喻馬春水泛仙艫意氣風雲合言忘道術趨共矜名
已泰詎肯沫相濡有志慙雕朽無庸類散樗關山暫超
忽形影歎艱虞結網空知羨圖榮豈自誣忘情同塞馬
比德類宛駒隴阪肝腸絕陽關亭堠迂迷魂驚落雁離
恨斷飛鳧春去榮華盡年來歲月蕪邊愁傷郢調鄉思
繞吳飲河氣通中國山途限外區相思若可寄冰泮有
銜蘆

在軍登城樓

城上風威冷江中水氣寒戎衣何日定歌舞入長安

於易水送人

寒 此地別燕丹壯士髮一作壯髮衝冠昔時人已沒今日水猶

詠鏡

寫月無芳桂照日有花菱不持光謝水翻將影學冰

挑燈杖

稟質非貪熱焦心豈憚熬終知不自潤何處用脂膏

詠塵

凌波起羅襪含風染素衣別有知音調聞歌應自飛

翫初月

一作沈佳期詩

忌滿光先一作恒缺乘昏影暫流既一作自能明似鏡何用曲如

鉤

送別

寒更承夜永涼夕向秋澄
離心何以贈自有玉壺冰

憶蜀地佳人

東西吳蜀關山遠魚來雁去兩難聞
莫怪常有千行淚只爲陽臺一片雲

詠鷺

七歲時作

鷺鷺曲項向天歌白毛浮綠水紅掌撥清波

全唐詩

武三思

武三思則天兄子累官右衛將軍則天臨朝擢夏官尚書及革命封梁王尋拜天官尚書聖曆初檢校內史進太子賓客長安中其子崇訓尚安樂公主時三思用事於朝欲寵異其禮乃自重光門內行親迎禮歸於天津橋南私第又令宰臣李嶠蘇味道詞人沈佺期宋之問等賦花燭行以美之中宗復位拜司空同中書門下三品猜嫉正士干黷時政爲節愍太子所誅詩八首

奉和聖製夏日遊石淙山

第二句缺一字

此地巖壑數千重吾君駕鶴

乘龍掩暎葉光含翡翠

參差石影帶芙蓉。白日將移衝壘巘。玄雲欲度礙高峰。
對酒鳴琴追野趣。時聞清吹入長松。

仙鶴篇

白鶴乘空何處飛。青田紫蓋本相依。緱山七月雖長去。
遼水千年會憶歸。緱山杳杳翔寥廓。遼水纍纍歎城郭。
經隨羽客步丹丘。曾逐仙人遊碧落。迢迢碧落斷氛埃。
霞堂雲閣幾重開。欲尋東海黃金竈。仍向西山白玉臺。
九臯獨唳方清切。五里驚羣俄斷絕。月下分行似度雲。
風前颺影疑迴雪。風前月下路漫漫。水宿雲翔去幾般。
宛轉能傾吳國市。裴回巧拂漢皇壇。琴中作曲從來易。
鼓裏傳聲有甚難。夜夜恒飛銀漢曲。朝朝常飲玉池瀾。

別有聞簫出紫煙。還如化履上青天。霜毛忽控三神下。
玉羽俄看二客旋。燕雀終迷橫海志。蜉蝣豈識在陰年。
莫言一舉輕千里。爲與三山送九仙。

宴龍泓

登臨開勝託。眺矚盡良遊。巖壑縈紆上。澄潭屈曲流。泛
蘭清興洽。折桂野文遒。別後相思處。崎嶇碧澗幽。

凝碧池侍宴應制得水槎

彼木生何代。爲槎復幾年。欲乘銀漢曲。先泛玉池邊。擁
溜根橫岸。沈波影倒懸。無勞問蜀客。此處即高天。

奉和宴小山池賦得谿字應制

年光開碧沼。雲色斂青谿。凍解魚方戲。風暄鳥欲啼。巖

泉飛野鶴石鏡舞山雞柳發龍鱗出松新塵尾齊九韶
從此驗三月定應迷

奉和過梁王宅即目應制

巖居多水石野宅滿風煙本謂開三徑俄欣降九天穿
林移步輦拂岸轉行旃鳳竹初垂籜龜河未吐蓮願持
山作壽恒用劫爲年

奉和春日游龍門應制

鳳駕臨香地龍輿上翠微星宮含雨氣月殿抱春輝碧
澗長虹下雕梁早燕歸雲疑浮寶蓋石似拂天衣露草
侵堦長風花遶席飛日斜宸賞洽清吹入重闈

秋日于天中寺尋復禮上人

妙域三時殿香巖七寶宮金繩先界道玉柄即談空喻
筏知何極傳燈竟不窮彌天高義遠初地勝因通理詣
歸一處心行不二中有無雙惑遣真俗兩緣同摘葉疑
焚翠投花若散紅網珠遙映日簷鐸近吟風定沼寒光
素禪枝暝色葱蔥願隨方便力長冀釋塵籠

句

雲螭非易匹月駟本難儔

詠馬見海
錄碎事

張易之

張易之定州人以門蔭累遷尚乘奉御則天臨朝與弟
昌宗俱入侍禁中俄為司衛少卿聖曆二年置控鶴府
以易之為控鶴監內供奉久視初改控鶴府為奉宸府

遂爲奉宸令引詞人閣朝隱薛稷員半千並爲奉宸供
奉易之昌宗皆粗能屬文如應詔和詩則宋之問閣朝
隱爲之代作詩四首

奉和聖製夏日遊石淙山

六龍驤首曉駸駸七聖陪軒集穎陰千丈松蘿交翠幕
一丘山水當鳴琴青鳥白雲王母使垂藤斷葛野人心
山中日暮幽巖下泠然香吹落花深

侍從過公主南宅侍宴探得風字應制

逐賞平陽第鳴笳上苑東鳥吟千戶竹蝶舞百花叢時
攀小山桂共挹大王風坐客無勞起秦簫曲未終

出塞

俠客重恩光駿馬飾金裝警聞傳羽檄馳突救邊荒轉
戰磨笄地橫行戴斗鄉將軍占太白小婦怨流黃驥裏
青絲騎娉婷紅粉妝一作春鶯度曲八月雁成行誰堪
坐秋思羅袖拂空牀

泛舟侍宴應制

平明出御溝解纜坐迴舟綠水澄明月紅羅結綺樓弦
歌爭浦入冠蓋逐川流白魚臣作伴相對舞王舟

張昌宗

張昌宗易之弟初爲雲麾將軍行左千牛中郎將加銀
青光祿大夫佞者奏昌宗是王子晉後身詞人皆賦詩
以美之崔融作爲絕唱則天詔昌宗撰三教珠英引文

學之士李嶠張說宋之問徐彥伯富嘉謨等二十六人
分門撰集書成加昌宗司僕卿改春官侍郎時易之兄
弟顓權亂政後爲張柬之等起羽林兵誅之詩三首

奉和聖製夏日遊石淙山

雲車遙裔三珠樹帳殿交陰八桂叢
礪險泉聲疑度雨川平橋勢若晴虹
叔夜彈琴歌白雪孫登長嘯韻清風
卽此陪歡遊閬苑無勞辛苦向崆峒

少年行

少年不識事落魄遊韓魏珠軒流水車
玉勒浮雲騎縱橫意不一然諾心無二
白璧贈穰苴黃金奉毛遂妙舞飄龍管
清歌吟鳳吹三春小苑遊千日中山醉
直言身

可沈誰論名與利，依倚孟嘗君。自知能市義。

太平公主山亭侍宴

淮南有小山，羸女隱其間。折桂芙蓉浦，吹簫明月灣。扇掩將雛曲，釵承墮馬鬟。歡情本無限，莫掩洛城關。

薛曜

薛曜元超子，以文學知名。尚城陽公主，子紹尚太平公主。紹兄顛懼太盛，以問從兄克。克曰：帝甥尚主，由來故事，但以恭慎行之，何懼也。聖曆中，與修三教珠英，官正諫大夫，集二十卷，今存詩五首。

奉和聖製夏日遊石淙山

玉洞幽尋更是天，朱霞綠景鎮韶年。飛花藉藉迷行路。

轉鳥遥遥作管弦霧隱長林成翠幄風吹細雨即虹泉
此中碧酒恒參聖浪道崑山別有仙

子夜冬歌

朔風扣羣木嚴霜凋百草借問月中人安得長不老

舞馬篇

星精龍種競騰驤雙眼黃金紫豔光一朝逢遇昇平代
伏皂銜圖事帝王我皇盛德苞六宇俗泰時和虞石拊
昔聞九代有餘名

山海經夏二改舞九代正

今日百獸先來舞鉤陳周衛

儼旌旄鐘鐔陶匏聲殷地承雲嘈贊駭日靈調露鏗鉉
動天駟奔塵飛箭若麟螭躡景追風忽見知咀銜拉鐵
並權奇被服雕章何陸離紫玉鳴珂臨寶鐙青絲綵絡

帶金羈。隨歌鼓而電驚。逐丸劍而馳驅。態聚踣還急。驕
凝驟不移。光敵白日下。氣擁綠煙垂。婉轉盤踟殊未已。
懸空步驟紅塵起。驚鳧翔鷺不堪儔。矯鳳迴鸞那足擬。
蘅垂桂裏香氣氲。長鳴汗血盡浮雲。不辭辛苦來東道。
祇爲簫韶朝夕聞。閭闔間。玉臺側承恩。照今生光色。鸞
鏘鏘。車翼翼。備國容兮爲戎飾。充雲翹兮天子庭。荷日
用兮情無極。吉良乘兮一千歲。神是得兮天地斯大易。
占云南山壽。趨趨共樂聖明時。品彙本刪問
闕問下一段

正夜侍宴應詔

英華作正月望夜
上陽宮侍宴應制

重關鐘漏通夕。敞鳳皇宮。雙闕祥煙裏。千門明月中。酒

杯一作筵

浮湛露。歌曲唱流風。侍臣咸醉止。恒一作常慙恩遇崇。

一作
造豐

送道士入天台

洛陽陌上多離別
蓬萊山下足波潮
碧海桑田何處在

笙歌一聽一遙遙

楊敬述

楊敬述則天時右玉鈐衛郎將左奉宸內供奉詩一首

奉和聖製夏日遊石淙山

山中別有神仙地
屈曲幽深碧澗垂
巖前暫駐黃金輦
席上還飛白玉卮
遠近風泉俱合雜
高低雲石共參差
林壑偏能留睿賞
長天莫遽下丹曦

于季子

于季子咸亨中登進士第則天時司封員外詩七首

萬里人奉和聖製夏日遊石淙山

九旗雲布臨萬室萬騎星陳集潁川瑞液含滋登禹膳
飛流薦響入虞弦山扉野徑朝花積帳殿帷宮夏葉連
微臣獻壽迎千壽願奉堯年倚萬年

北對輶詠雲東歸不王秦空想好山衣蓋亦數公入

瑞雲千里映祥輝四望新隨風亂鳥翅汎水結魚鱗布
葉疑臨夏開花詎待春願得承嘉景無令掩桂輪

寶曇大詠螢

卉草誠幽賤枯朽絕因依忽逢借羽翼不覺生光輝直
念恩華重長嗟報効微方思助日月為許願曾飛

念恩華 早春洛陽答杜審言

一本早春
下有代字

梓澤年光往復來
杜霸遊人去不迴
若非載筆登麟閣
定是吹簫伴鳳臺
路傍桃李花猶嫩
波上芙蓉葉未開
分明寄語長安道
莫教留滯洛陽才

詠項羽

北伐雖全趙東歸不王秦
空歌拔山力羞作渡江人

詠漢高祖

百戰方夷項三章且代秦
功歸蕭相國氣盡戚夫人

南行別弟

一作楊師道詩英華
作韋承慶南中詠雁

萬里人南去三春雁北飛
不知何歲月得與爾同歸

全唐詩

喬知之

喬知之同州馮翊人與弟侃備竝以文詞知名知之尤稱俊才則天時累除右補闕遷左司郎中為武承嗣所害詩一卷

長信宮中樹

婀娜當軒樹茸茸倚蘭殿葉一作色豔九春華一作時香搖五明

扇餘花一作香鳥弄盡新葉蟲書一作蠹遍零落心一作親自知芳

菲君不見

下山逢故夫

妾身本薄命輕棄城南隅庭前厭芍藥山上采薜蘿春

風冒紈袖零一作露露濕羅襦羞將憔悴日提籠逢故夫

巫山高

巫山十二峰參差互隱見潯陽幾千里周覽忽已徧想
像神女姿摘芳共珍薦楚雲何逶迤紅樹日葱蒨楚雲
沒湘源紅樹斷荆門郢路不可見況復夜間猿

棄妾篇

妾本叢臺右君在鴈門陞悠悠淇水曲綵燕入桑枝不
因媒結好本以容相知容謝君應去情移會有離還君
結縷帶歸妾織成詩此物雖輕賤不用使人嗤

苦寒行

胡天夜清迴孤雲獨飄颻遙裔一作曳出鴈關逶迤含晶光

陰陵久衰回幽都無多一作夕陽初一作初寒凍巨海殺氣流大
荒朔馬飲寒冰行子履胡霜路有從役倦臥死黃沙場
羈旅因相依慟之淚霑裳由來從軍行賞存不賞亡亡
者一作謝誠已矣徒令存者傷

從軍行一作秋閨

南庭結白露北風掃黃葉此時鴻鴈來驚鳴催思妾曲
房理鍼線平砧擣文練鴛綺裁易成龍鄉信難見窈窕
九重閨寂寞十年啼紗牕白雲宿羅幌月光棲雲月隱
一作曉微微夜上一作愁思流黃機玉霜凍珠一作朱履金吹薄羅衣漢
家已得地君去將何事宛轉結蠶書寂寥無鴈使生平
荷恩信本為榮華進況復落紅顏蟬聲催綠鬢

擬古贈陳子昂

惻惻孤形影悄悄獨遊心以此從王事常與子同衾別
離三河間征戰二庭深胡天夜雨霜胡鴈晨南翔節物
感離居一作別同衾違一作還故鄉南歸日將遠北方尚蓬飄孟
秋七月時相送出外郊海風吹涼木邊聲響一作暗梢梢勤
役千萬里將臨五十年心事爲誰道抽琴歌坐筵一彈
再三歎賓御淚潺湲送君竟此曲從茲長絕弦

定情篇

共君結新婚歲寒心未卜相與遊春園各隨情所逐君
愛菖蒲花妾感苦寒竹菖花多豔姿寒竹有貞葉此時
妾比君君心不如妾簪玉步河堤妖韶援綠萋鳧鴈將

子遊鶯燕從雙栖君念一作向春光好妾向一作對春光啼君時

不得意棄妾還金閨結言本同心悲歡何未齊怨咽前

致辭願得申所悲人間丈夫易世路婦難為始如經天

月終若流星馳天月相終始流星無定期樂府詩集無此二句長信

佳麗人失意非蛾眉廬江小吏婦非關織作遲本願長

相對今已長相思復有遊宦子結援從梁陳燕居崇三

朝去來歷九春誓心妾終始蠶桑奉所親歸願未克從

黃金贈路人潔婦懷明義從泛河之津于今千萬年誰

當問水濱更憶娼家樓夫壻事封侯去時恩灼灼去罷

心悠悠不憐妾歲宴十載隴西頭以茲常惕惕百慮恒

盈積由來共結褵幾人同匪石故歲雕梁燕雙去今來

隻今日玉庭梅朝紅暮成碧碧榮始芬敷黃葉已漸瀝
何用念芳春芳春有流易何用重歡娛歡娛俄戚戚一作
寂寂
家本巫山陽歸去路何長叙言情未盡採菜已盈筐桑
榆日及景物色盈高岡下有碧流水上有丹桂香桂花
不須折碧流清且潔贈君比芳菲愛惠常不歇一作
戚贈君
比潺湲相思無斷絕妾有秦家鏡寶匣裝珠璣鑑來年
二八不記易陰暉妾無光寂寂委照一作
畫影依依今日持
為贈相識莫相違

綠珠篇

萬首絕句分此詩為三首 知之有婢曰竊娘美麗善歌舞
為武承嗣所奪知之怨惜作此篇以寄情密送與婢婢結詩

衣帶投井而死承嗣大
恨諷酷吏羅織殺之

石家金谷重新聲明珠十斛買娉婷此日可憐君自許

此時可喜一作得人情。君家閨閣不一作曾難一作常將歌舞

借人看。意氣雄豪非分理。驕矜一作勢力橫相干。辭君去

君終不忍。一作辭君去 去終未忍徒勞掩袂傷鉛粉。百年離別在高樓

一旦一作紅顏為君盡。

和李侍郎古意一作古意和 李侍郎橋

妾家巫山隔漢川。君度南庭向胡苑。高樓迢遞想金天。

河漢昭回更愴然一作夜如何其夜未央。開花照月愁洞

房。自矜夫婿勝王昌。二十曾作侍中郎。一從流落戍漁

陽。懷哉萬恨結中腸。南山羃羃兔絲花。北陵青青女蘿

樹。由來花葉同一根。今日枝條分兩處。三星羞池光照

灼。北斗西指秋雲薄。莖枯花謝枝憔悴。香銷色盡花零

落美人長歎豔容萎。含情收取摧折枝。調絲獨彈聲未
移。感君行坐星歲遲。閨中宛轉今若斯。誰能爲報征人
知。

倡女行

石榴酒葡萄漿。蘭桂芳茱萸香。願君駐金鞍。暫此共年
芳。願君解羅襦。一醉同匡牀。文君正新寡。結念在歌倡。
昨宵綺帳迎韓壽。今朝羅袖引潘郎。莫吹羌笛驚鄰里。
不用琵琶喧洞房。且歌新夜曲。莫弄楚明光。此曲怨且
豔。哀音斷人腸。

羸駿篇

噴玉長鳴西北來。自言當代是龍媒。萬里鐵關行入貢。

九重金闕一作明為君開。蹀躞朝馳過上苑。趨禋暝走發章

臺。玉勒金鞍荷裝飾。路傍觀者無窮極。小山桂樹比權

奇。上林桃花況顏色。忽聞天將出龍沙。漢主持將駕鼓

車。去去山川勞日夜。遙遙關塞斷煙霞。山川關塞十年

征。汗血流離赴月一作行營。肌膚銷遠道。膂力盡長城。長城

日夕苦風霜。中有連年百戰場。搖珂噉勒金羈盡。爭鋒

足頓鐵菱傷。垂耳罷輕齋。棄置在寒谿。大宛蒲海北。滇

壑一作舊雋。崖西沙平留緩步。路遠閭頻嘶。從來力盡君須

棄。何必尋途我已迷。歲歲年年奔遠道。朝朝暮暮催疲

老。扣冰晨飲黃河源。拂雪夜食天山草。楚水澶谿征戰

事。吳塞烏江辛苦地。持來報主不辭勞。宿昔立功非重

利丹心素節本無求。長鳴向君君不留。祇應澶一作漫漫歸
田。望萬里低昂任生死。君王倘若不見遺。白骨黃金猶
可市。

銅雀妓

金閣惜分香。鉛華不重粧。空餘歌舞地。猶是爲君王。哀
弦調已絕。豔曲不須一作亦何長。共看西陵暮。秋煙起一作生白楊。

侍宴應制得分字

紫禁肅晴氛。朱樓落曉雲。豫遊龍駕轉。天樂鳳簫聞。竹
外仙亭出。花間輦路分。微臣一何幸。詞賦奉明君。

梨園亭子侍宴

年光陌上發。香輦禁中遊。草綠鴛鴦殿。花紅翡翠樓。天

杯承露酌仙管雜風流今日陪歡豫皇恩不可酬

和蘇員外寓直

自昔重爲郎伊人練國章三旬登建禮五夜直明光墨
草尚書奏衣飄侍御香開軒竹氣靜拂簟蕙風涼曉漏
離闈闔鳴鐘出未央從來宿臺上天子貴文強

哭故人

生死久離居悽涼歷舊廬歎茲三徑斷不踐十年餘古
木巢禽合荒庭愛客疎匣留彈罷劔牀積讀殘書玉沒
終無像蘭言強問虛平生不得意泉路復何如

折楊柳

可憐濯濯春楊柳攀折將來就纖手妾容與此同盛衰

何必君恩能獨久

喬侃

喬侃知之弟也開元中爲兗州都督詩一首

木巢舍人日登高

僕本多悲者年來不悟春登高一遊目始覺柳條新社
陵猶識漢桃源不辨秦塹若升雲霧還似出囂塵賴得
煙霞氣淹留攀桂人

喬備

喬備亦知之弟則天時預修三教珠英終襄陽令集六

卷今存詩二首

對酒出塞

沙場三萬里猛將五千兵
旌斷冰谿戍笳吹鐵關城
陰雲暮下雪寒日晝無晶
直爲懷恩苦誰知邊塞情

長門怨

秋入長門殿木落洞房虛
妾思宵徒靜君恩日更疎
墜露清金閣流螢點玉除
還將閨裏恨遙問馬相如

金闕靈龍攝玉節
翠綵雲間舞
絳河
天
人
身
門
佩
木
符
籙
與
靈
寶
也
昔
時
特
選
恩
日
更
加
禮

天
人
身
門
佩
木
符
籙
與
靈
寶
也
昔
時
特
選
恩
日
更
加
禮

身門賦

暮不靈寒日晝無晶直
為
聖
德
善
歸
德
教
與
時

心
思
三
萬
里
靈
樞
五
子
兵
符
幽
不
像
效
法
如
陰
神
也

全唐詩

劉希夷

劉希夷一名庭芝汝州人少有文華落魄不拘常格後
爲人所害希夷善爲從軍閨情詩詞旨悲苦未爲人重
後孫昱撰正聲集以希夷詩爲集中之最由是大爲時
所稱賞集十卷今編詩一卷

將軍行

將軍闕轅門耿介當風立諸將欲言事逡巡不敢入劔
氣射雲天鼓聲振原隰黃塵塞路起走馬追兵急彎弓
從此去飛箭如雨集截圍一百重斬首五千級代馬流
血死胡人抱鞍泣古來養甲兵有事常討襲乘我廟堂

運坐使干戈戢獻凱歸京師

一作都又作還帝京

軍容何翕習

從軍行

秋天風颯颯

一作秋風來瑟瑟

羣胡馬行疾嚴城晝不開伏兵暗相

失天子廟堂拜將軍凶門出紛紛伊洛

一作晉陽

道戎馬幾萬

匹軍門壓黃河兵氣衝白日平生懷仗劍慷慨即投筆

南登漢月孤北走代雲密近取韓彭計早知孫吳術丈

夫清萬里誰能掃一室

春女行

春女顏如玉怨歌陽春曲巫山春樹紅沅湘

一作五

春草綠

自憐妖艷姿妝成獨見時愁心伴楊柳春盡亂如絲目

極千餘里悠悠春江水頻想玉關人愁臥金閨裏尚言

春花落不知秋風起嬌愛猶未終悲涼從此始憶昔楚
王宮玉樓粧粉紅纖腰弄明月長袖舞一作舞春風容華委
西山光陰不可一作還桑林變一作東海富貴今何在寄言
桃李容胡爲閨閤重但看楚王墓唯有數株松

孤松篇

蠶月桑葉青鸞時柳花白澹艷煙雨姿敷芬陽春陌如
何秋風起零落從此始獨有南澗松不歎東流水玄陰
天地冥皓雪朝夜零豈不罹寒暑爲君留青青青好
顏色落落任孤直羣樹遙相望衆草不敢逼靈龜卜真
隱仙鳥宜棲息恥受秦帝封願言唐侯食寒山夜月明
山冷氣清清淒兮歸鳳一作集吹之作琴聲松子臥仙峯

寂聽疑野心清冷有真曲樵採無知音美人何時來幽
徑委綠苔吁嗟深澗底棄捐廣廈材

嵩嶽聞笙

月出嵩山東月明山益空山人愛清景散髮臥秋風風
止夜何清獨夜草蟲鳴仙人不可見乘月近吹笙絳唇
吸靈氣玉指調真聲真聲是何曲三山鸞鶴情昔去落
塵俗願言聞此曲今來臥嵩岑何幸承幽音神仙樂吾
事笙歌銘夙心

秋日題汝

一作南陽潭

辭

獨坐秋陰生悲來從所適行見汝陽潭飛蘿蒙水石懸
瓢木葉上風吹何歷歷幽人不耐煩振衣一作袂步閑寂迴

流清見底金沙覆銀鑠錯落非一文空隴幾千尺魚鱗
可憐紫鴨毛自然碧吟詠秋水篇渺然忘損益秋水隨
形影清濁混心迹歲暮歸去來東山余宿昔

采桑

楊柳送行人青青西入秦誰家采桑女樓上不勝春盈
盈灞水曲步步春芳綠紅臉耀明珠絳唇含白玉回首
渭橋東遙憐春一作樹色同青絲嬌落日緗綺弄春風攜籠
長歎息逶遲一作連戀春色看花若有情倚樹疑無力薄暮
思悠悠使君南陌頭相逢不相識歸去夢青樓

謁漢世祖廟

春陵氣初發漸臺首未傳列營百萬衆持國十八年運

開朱旗後道合赤符先宛城劍鳴匣昆陽鏑應弦獷獸
血塗地巨人聲沸天長驅過北趙短兵出南燕太守迎
門外王郎死道邊昇壇九城一作陌端拱千秋年朝廷方
雀躍劍珮幾聯翩至德刑四海神儀翳九泉宗子行舊
邑恭聞清廟篇君容穆而聖臣像儼猶賢攢木承危柱
踈蘿挂朽椽祠庭巢鳥啄祭器網蟲緣懷古江山在惟
新曆數遷空餘今夜月長似舊時懸

巫山懷古

巫山幽陰地神女豔陽年襄王何容色落日望悠然歸
來高唐夜金釭燄青煙頽想臥瑤席夢魂何翩翩搖落
殊未已榮華倏徂遷愁思滿湘浦悲涼雲夢田猿啼秋

風夜鴈飛明月天
巴歌不可聽聽此
益潺湲

歸山

歸去嵩山道
煙花覆青草
草綠山無塵
山青楊柳春日
暮松聲合空
歌思殺人

代閨人春日

珠簾的曉光
玉顏豔春彩
林間鳥鳴喚
戶外花相待
花鳥惜芳菲
鳥鳴花亂飛
人今伴花鳥
日暮不能歸
池月憐歌扇
山雲愛舞衣
佳期楊柳陌
攜手莫相違

蜀城懷古

蜀上一作山遶水竹
吳天積風霜
窮覽通表裏
氣色何蒼蒼
舊國有年代
青樓思豔妝
古人無歲月
白骨冥丘荒
寂

歷彈琴地幽流一作雷讀書堂玄龜埋卜室彩鳳滅詞場陣

圖一一在栢樹雙雙行鬼神清漢廟鳥雀參秦倉歎世

已多感一作歎逝日已多懷心益自傷一作感懷心自傷賴蒙靈丘境時當

一作鈞明月光

洛川懷古第二十七句缺四字第二十八句缺

萋萋春草綠悲歌牧征馬行見白頭翁坐泣青竹下感

歎前問之贈予辛苦詞歲月移今古山河更盛衰晉家

都洛濱朝廷多近臣詞賦歸潘岳繁華稱季倫一作紫澤

春草菲河陽亂華飛綠珠不可奪白首同所歸高樓倏

冥滅茂林久摧折昔時歌舞臺今成狐兔穴人事互消

亡世路多悲傷北邙是吾宅東嶽為吾鄉君看北邙道

髑髏縈蔓草芳

碑塋或半存荆

棘斂幽魂揮涕棄之去不忍聞此言

春日行歌

山樹落梅花飛落野人家野人何所有滿甕陽春酒攜
酒上一作向春臺行歌伴落梅醉罷臥明月乘夢遊天台

江南曲八首

暮宿南洲草晨行北岸林日懸滄海闊水隔洞庭深煙
景無留意風波有異潏歲遊難極目春戲易爲心朝夕
無榮遇芳菲已滿襟

豔唱潮初落江花露未晞春洲驚翡翠朱服弄芳菲畫
舫煙中淺青陽日際微錦帆衝浪濕羅袖拂行衣含情

罷所採相歎惜流暉

君爲隴西客妾遇江南春朝遊含靈果夕採弄風蘋果
氣時不歇蘋花日自新以此江南物持贈隴西人空盈
萬里懷欲贈竟無因

皓如楚江月靄若吳岫雲波中自皎鏡山上亦氤氳明
月留照妾輕雲持贈君山川各離散光氣乃殊分天涯
一爲別江北不一作相聞

艤舟乘潮去風帆振早涼潮平見楚甸天際望維揚洄
泝經千里煙波接兩鄉雲明江嶼出日照海流長此中
逢歲宴浦樹落花芳

暮春三月晴維揚吳楚城城臨大江汜回映洞浦清晴

雲曲金閣珠樓碧煙裏月明芳樹羣鳥飛風過長林雜
花起可憐離別誰家子於此一至情何已

北堂紅草盛茸茸南湖碧水照芙蓉朝遊暮起金花盡
漸覺羅裳珠露濃自惜妍華三五歲已歎關山千萬重
人情一去無還日欲贈懷芳怨不逢

憶昔江南年盛時平生怨在長洲曲冠蓋星繁江水上
衝風標落洞庭淥落花兩袖紅紛紛朝霞高閣洗晴雲
誰言此處嬋娟子珠玉爲心以奉君

擣衣篇

秋天瑟瑟夜漫漫夜白風清玉露溥燕山遊子衣裳薄
秦地佳人閨閣寒欲向樓中紫楚練還來機上裂齊紈

攬紅袖兮愁徒倚。盼青砧兮悵盤桓。盤桓徒倚夜已久。
螢火雙飛入簾牖。西北風來吹細腰。東南月上浮纖手。
此時秋月可憐明。此時秋風別有情。君看月下參差影。
爲聽莎間斷續聲。絳河轉兮青雲曉。飛鳥鳴兮行人少。
攢眉緝縷思紛紛。對影穿鍼魂悄悄。聞道還家未有期。
誰憐登隴不勝悲。夢見形容亦舊已。爲許裁縫改昔時。
織書遠寄交河曲。湏及明年春草綠。莫言衣上有斑斑。
只爲思君淚相續。

公子行

天津橋下陽春水。天津橋上繁華子。馬聲迴合青雲外。
人影動搖綠波裏。綠波蕩漾玉爲砂。青雲離披錦作霞。

可憐楊柳傷心樹。可憐桃李斷腸花。此日遨遊邀美女。
此時歌舞入娼家。娼家美女鬱金香。飛來飛去公子傍。
的的珠簾白日映。娥娥玉顏紅粉妝。花際裴回雙蛺蝶。
池邊顧步兩鴛鴦。傾國傾城漢武帝。為雲為雨楚襄王。
古來容光人所羨。况復今日遙相見。願作輕羅著細腰。
願為明鏡分嬌面。與君相向轉相親。與君雙棲共一身。
願作貞松千歲古。誰論芳槿一朝新。百年同謝西山日。
千秋萬古北邙塵。

代悲白頭翁

一作白頭吟

洛陽城東桃李花。飛來飛去落誰家。洛陽女兒好顏色。
坐見一作行逢落花長歎息。今年花落顏色改。明年花開復誰

在已見松栢摧為薪。更聞桑田變成海。古人無復洛城東。今人還對落花風。年年歲歲花相似。歲歲年年人不同。寄言全盛紅顏子。應憐半死白頭翁。此翁白頭真可憐。伊昔紅顏美少年。公子王孫芳樹下。清歌妙舞落花前。光祿池臺開錦繡。將軍樓閣畫神仙。一朝臥病無相識。三春行樂在誰邊。宛轉蛾眉能幾時。須臾鶴髮亂如絲。但看古來歌舞地。惟有黃昏鳥雀悲。宋布衣善琵琶嘗為白頭

明年花開復誰在既而悔曰我此詩似識與石崇白首同所歸何異乃更作云年年歲歲花相似歲歲年年人不同既而歎曰復似向識矣詩成未周歲為意人所殺或云宋之問害希夷而以白頭翁謂之篇為已作至今有載此篇在之間集中者

代秦女贈行人

第三句
缺一字

鸞鏡曉含春蛾眉向影頰開

衣裳破那堪粉黛新春

還洛陽道爲憶春堦草楊葉未能攀梅花待君掃今朝
喜鵲傍人飛應是狂夫走馬蹄遙想行歌共遊樂迎前
含笑著春衣

洛中晴月送殷四入關

清洛浮橋南渡頭天晶一作明萬里散華洲晴看石瀨光無
數曉入寒潭浸不流微雲一點曙煙起南陌憧憧遍行
子欲將此意與君論復道秦關尚千里

入塞

將軍陷虜圍邊務息戎機霜雪交河盡旌旗入塞飛曉
光隨馬度春色伴人歸課績朝明主臨軒拜武威

覽鏡

青樓挂明鏡臨照不勝悲白髮今如此人生能幾時秋
風下山路明月上春期歎息君恩盡容顏不可思

晚春

佳人眠洞房回首見垂楊寒盡鴛鴦被春生玳瑁牀庭
陰幕青靄簾影散紅芳寄語同心伴迎春且薄妝

送友人之新豐

日暮秋風起關山斷別情淚隨黃葉下愁向綠樽生野
路歸驂轉河洲宿鳥驚賓遊寬旅宴王事促嚴程

餞李秀才赴舉

鴻鵠振羽翮翻飛入帝鄉朝鳴集銀樹暝宿下金塘日
月天門近風煙夜路長自憐窮浦鴈歲歲不隨陽

全唐詩夜集張諲所居

江南成久客門館日蕭條惟有圖書在多傷鬢髮凋諸
生陪講誦稚子給漁樵隱室寒燈淨空階落葉飄滄洲
自有趣誰道隱須招修飭初舉進士入京不為人知在
賣胡琴故園置酒子昂顧左右筆千緡市之衆務尚
酒熟不須飲春還鬢已秋願逢千日醉得緩百年憂舊
里多青草新知盡白頭風前燈易滅川上月難留卒卒
周姬旦栖栖魯孔丘平生能幾日不及且遨遊

晚憩南陽旅館

旅館何年廢征夫此日過途窮人自哭春至鳥還歌行
路新知少荒田古徑多池篁覆丹谷墳樹遶清波日照

蓬陰轉風微野氣和傷心不可去回首怨如何

里邊青草綠味盡

西照入影於春雲濕日林頭坐千日猶昏幾百平憂善

日暮秋姑圖置配斷別情候隨黃葉下愁向綠梅生野

自商賦轉前別於路驚賓旋寬旅長正事促嚴程

主部輪蘇千餘魚燕烈室寒登筆空留茶葉臘象匪

云南旅又客問論日蕭新制在圖書在冬對賢疑此能

月天門外其疑轉此長自憐窮浦鴈歲歲不隨陽

全唐詩

陳子昂

陳子昂字伯玉梓州射洪人少以富家子尚氣決好
博後遊鄉校乃感悔修飭初舉進士入京不爲人知有
賣胡琴者價百萬子昂顧左右輦千緡市之衆驚問子
昂曰余善此曰可得聞乎曰明日可入宣陽里如期偕
往則酒肴畢具奉琴語曰蜀人陳子昂有文百軸不爲
人知此賤工之伎豈宜留心舉而碎之以其文百軸徧
贈會者一日之內名滿都下擢進士第武后朝爲靈臺
正字數上書言事遷右拾遺武攸宜北討表爲管記軍
中文翰皆委之子昂父爲縣令段簡所辱子昂聞之遽

還鄉里簡乃因事收繫獄中憂憤而卒唐興文章承徐
庾餘風駢麗穠縟子昂橫制頽波始歸雅正李杜以下
咸推宗之集十卷今編詩二卷

慶雲章

崑崙元氣實生慶雲大人作矣五色氤一作氲昔在帝媯
南風既薰叢芳爛熳郁郁紛紛曠矣千祀慶雲來止玉
葉金柯祚我天子非我天子慶雲誰昌非我聖母慶雲
誰光慶雲光矣周道昌矣九萬八千天授皇年

感遇詩三十八首

微月生

一作

西海幽陽始代

一作

昇圓光正

一作

東滿陰魄已

朝疑太極生

天地三元更廢興至精諒斯在三五誰能

徵

蘭若生春夏苧蔚何青青幽獨空林色朱蕤冒紫葶遲
遲白日晚嫋嫋秋風生歲華盡搖落芳意竟何成

蒼蒼丁零塞今古緬荒途亭堠何摧兀暴骨無全軀黃
沙漠南起白日隱西隅漢甲三十萬曾以事匈奴但見
沙場死誰憐塞上一作孤

樂羊爲魏將食子殉軍功骨肉且一作相薄他人安得忠
吾聞中山相乃屬放麋翁孤獸猶一作不忍況一作以奉君

終

市人矜巧智於道若童蒙傾奪相夸侈不知身所終曷
見玄真子觀世玉壺中窅然遺天地乘化入無窮

吾觀龍變化乃知至陽精石林何冥密幽洞無留行古

之得仙道信與元化并玄感非象一作蒙識誰能測沈一作論冥

世人拘目見酣酒笑丹經崑崙有瑤樹安得采其英

白日每不歸青陽時暮矣茫茫吾何思林臥觀無始衆

芳委時晦鴟鴞鳴悲耳鴻荒古已頽誰識巢居子

吾觀崑崙化日月淪洞冥精魄相交會天壤以羅生仲

尼推太極老聃貴窈冥西方金仙子崇義乃無明空色

皆寂滅緣業定一作亦何成名教信紛藉死生俱未停

聖人秘元命懼世亂其真如何嵩公輩一作誼譎誤時人

先天誠為美階亂禍誰因長城備胡寇羸禍發其親赤

精既迷漢子年何救秦去去桃李花多言死如麻

深居觀元化

一作羣動

悱然爭朶頤
讒說相啖食
利害紛凝凝

便便夸昆子
榮耀更相持
務光讓天下
商賈競刀錐
已

矣行采芝萬世同一時

吾愛鬼谷子
青谿無垢氛
囊括經世道
遺身在白雲
七

雄方龍鬪天下久

一作亂

無君浮榮不足貴
遵養晦時文
舒

可

一作之

彌宇宙卷之不盈分
豈徒山木壽
空與麋鹿羣

呦呦南山鹿
罹罟以媒和
招搖青桂樹
幽壺亦成科
世

情甘近習榮耀紛
如何怨憎未相復
親愛生禍羅
瑤臺

傾巧笑玉杯殞
雙蛾誰見枯

一作孤

城蘂

一作樹

青青歲斧柯

林居病時久
水木澹孤清
閑臥觀物化
悠悠念無生
青

春始萌達朱火
已滿盈
徂落方自此
感歎何時平

臨岐泣世道天命良悠悠昔日殷王子玉馬遂朝周寶

鼎淪伊穀瑶臺成古一作故丘西山傷遺老東陵有故侯

貴人難得意賞愛在須臾莫以心如玉探他明月珠昔

稱天桃子今為春市徒鳴鴉悲東國麋鹿泣姑蘇誰見

鳴夷子扁舟去五湖一作相干燕王尊樂毅分國願同歡魯

聖人去已久公道緬良難蚩蚩夸毘子堯禹以為謾驕

榮貴工巧勢利迭一作通相干燕王尊樂毅分國願同歡魯

一作仲連讓齊爵遺組去邯鄲伊人信往矣感激為誰歎

幽居觀天運悠悠念羣生終古代興沒豪聖莫能爭三

季淪周赧七雄滅秦嬴復聞赤精子提劍入咸京炎光

既無象晉虜復縱橫堯禹道已昧昏虐勢方行豈無當

世雄天道與胡兵咄咄安可言時醉而未醒仲尼溺東
魯伯陽遁西溟大運自古來旅人胡歎哉

逶迤勢已久骨鯁道斯窮豈無感激者時俗頽此風灌
園何其鄙皎皎於陵中世道不相容嗟嗟張長公

聖人不利已憂濟在元元黃屋非堯意瑤臺安可論吾
聞西方化清淨道彌敦奈何窮金玉雕刻以爲尊雲構
山林盡瑤圖珠翠煩鬼工尚未可人力安能存夸愚適
增累矜智道逾昏

玄天幽且默羣議曷啞啞聖人教猶在世運久陵夷一
繩將何繫憂醉不能持去去行采芝勿爲塵所欺

蜻蛉遊天地與世本無患飛飛未能止去黃雀來相十

穰侯富秦寵金石比交歡出入咸陽裏諸侯莫敢言寧
 知山東客激怒秦王肝布衣取丞一作卿相千載為辛酸
 微霜知歲晏斧柯始青青況乃金天夕浩露沾羣英登
 山望宇宙白日已西暝雲海方蕩瀟孤鱗安得寧

翡翠巢南海雄雌珠樹林何知美人意驕愛比黃金殺
 身炎州裏委羽玉堂陰旖旎光首飾歲蕤爛錦衾豈不
 在遐遠虞羅忽見尋多材信為累歎息此珍禽

挈瓶者誰子姣一作妖服當青春三五明月滿盈盈不自珍

高堂委金玉微縷懸千鈞如何負公鼎被敝策時人

玄蟬號白露茲歲已蹉跎羣物從大化孤英與奈何瑤

臺有青鳥遠食玉山禾崑崙見玄鳳豈復虞雲羅

荒哉穆天子好與白雲期宮女多怨曠層城閉蛾眉日
耽瑤池樂豈傷桃李時青苔空萎絕白髮生羅帷

朝發宜都渚浩然思故鄉故鄉不可見路隔巫山陽巫

山綵雲沒高丘正微茫佇立望已久涕落一作淚沾衣裳豈

茲越鄉感憶昔楚襄王朝雲無處所荆國亦淪亡

昔日章華宴荆王樂荒淫霓旌翠羽蓋射兕雲夢林竭

來高唐觀悵望雲陽岑雄圖今何在黃雀空哀吟

丁亥歲云暮西山事甲兵羸糧匱邛道荷戟爭羗城嚴

冬陰風勁窮岫泄一作油雲生昏曠一作曠無晝夜羽檄復相驚

拳跼競萬仞崩危走一作遠九冥籍籍一作寂寂峰壑裏哀哀冰雪

行聖人御宇宙聞道泰階平肉食謀何失藜藿緬縱橫

可憐一作惜瑶臺樹灼灼佳人姿碧華映朱實攀折青春時

豈不盛光寵榮君白玉墀但恨紅芳歇凋傷感所思

劫來豪遊子勢利禍之門如何蘭膏歎感激自生冤衆趨

明所避時棄道猶存雲淵既已失羅網與誰論箕山有

高節湘水有清源唯應白鷗鳥可為一作與洗心言

索居猶一作獨幾日炎夏忽然衰陽彩皆陰翳親友盡睽違

登山望不見涕泣以漣漣宿夢一作昔感顏色若與白雲期

馬上一作世中驕豪子驅逐正蚩蚩蜀山與楚水攜手在何時

金鼎合神一作還丹世人將見欺飛飛騎羊子胡乃在峨眉

變化固幽一作非類芳菲能幾時疲痾苦淪世憂痾一作悔日侵

溜眷然顧幽褐白雲空涕洟

朔風吹海樹蕭條邊已秋亭上誰家子哀哀明月樓自
言幽燕客結髮事遠遊赤丸殺公吏白刃一作報私讎避
讎至海上被役此邊州故鄉三千里遼水復悠悠每憤
胡兵入常爲漢國羞何知七十戰白首未封侯
本爲貴公子平生實愛才感時思報國拔劍起蒿萊西
馳丁零塞北上單于臺登山見千里懷古心悠悠誰言
未忘禍磨滅成塵埃

浩然坐何慕吾蜀有峨眉念與楚狂子悠悠白雲期時
哉悲不會涕泣久漣沔夢登綏山穴南采巫山芝探元
觀羣化遺世從雲螭婉變時永矣感悟不見之

朝入雲中郡北望單于臺胡秦何密邇沙朔氣雄哉藉

藉天驕子猖狂已復來塞垣無名將亭堠空崔嵬吐嗟
吾何歎邊人塗草萊

仲尼探元化幽鴻順陽和大運自盈縮春秋遞一作迭來過
盲聽忽號怒萬物相紛劇溟海皆震蕩孤鳳其如何

觀荆玉篇

并序

丙戌歲余從左補闕喬公北征夏四月軍幕次一作舍

于張掖河河洲草木無他異者惟有仙人杖往往

叢生幽朔地寒與中國稍異予家世好服食昔常

餌之及此役也而息意茲味戍人有薦嘉蔬者此

物存焉余倏一作驟爾而笑曰始者與此君別不圖至

是而見之豈非神明嘉惠將欲扶吾壽也因為喬

公昌言其能時東萊王仲烈亦同旅舍聞而大喜
甘心食之已旬有五日矣適有行人自謂能知藥
者謂喬公曰此白棘也公何謬哉仲烈愕然而疑
亦曰吾怪其味甘宋本
作甜今果如此喬公信是言乃譏
予作采玉篇謂宋人不識玉而寶珉石也予心知
必是猶以獨見之故被奪于衆人乃喟然而歎曰
嗟乎人之大明者目也心之至信者口也夫目照
五色口分五味玄黃甘苦亦可一作
何斷而不惑矣而
路傍一議二子增疑況君臣之際朋友之間乎自
是而觀則萬物之情可見也感采玉詠而作觀玉
篇以答之并示仲烈譏其失真也

鵝夷雙白玉此玉有緇磷懸之千金價舉世莫知真丹
青非異色輕重有殊倫勿信玉工言一作勿信
工言于徒悲荆國

人

鴛鴦篇

飛飛鴛鴦鳥舉翼相蔽虧俱來綠潭裏共向白雲涯音
容相眷戀羽翻兩透迤蘋萍戲春渚霜霰遶寒池浦沙
連岸淨汀樹拂潭垂年年此遊翫歲歲來追隨鳳皇起
丹穴獨向一作
棲獨梧桐枝鴻雁來紫塞空憶稻梁肥烏啼倦
依托鶴鳴傷別離豈若此雙禽飛翻不異林刷尾青一作
清
江浦交頸紫山岑文章負奇色和鳴多好音聞有鴛鴦
綺復有鴛鴦衾持爲美人贈勗此故交心

與東方左史虬修竹篇

并書

東方公足下文章道弊五百年矣漢魏風骨晉宋
莫傳然而文獻有可徵者僕嘗暇時觀齊梁間詩
彩麗競繁而興寄都絕每以永歎思古人常恐灑

一作

透

顏靡風雅不作以耿耿也一昨於解三處見

明公詠孤桐篇骨氣端翔音情頓挫光英

一作映

朗練

有金石聲遂用洗心飾視發揮幽鬱不圖正始之

音復覩於茲可使建安作者相視而笑解君云張

茂先何敬祖東方生與其比肩僕亦以為知言也

故感歎雅製作修竹詩一首當有知音以傳示之

龍種

一作鐘龍

生南嶽孤翠鬱亭亭峰嶺上崇翠煙雨下微冥

夜聞鼯鼠叫畫聒泉壑聲春風正淡蕩白露已清泠哀
響激金奏密色滋玉英歲寒霜雪苦含彩獨青青豈不
厭凝冽羞比春木榮春木有榮歇此節無凋零始願與
金石終古保堅貞不意伶倫子吹之學鳳鳴遂偶雲和
瑟張樂奏天庭妙曲方千變簫韶亦九成信蒙雕斲美
常願事仙靈驅馳翠虬駕伊鬱紫鸞笙結交羸臺女吟
弄昇天行攜手登白日遠遊戲赤城低昂玄鶴舞斷續
綵雲生永隨衆仙遊三山遊玉京

黃薊丘覽古贈盧居士藏用七首

并序

丁酉歲吾北征出自薊門歷觀燕之舊都其城池
霸業迹已蕪沒矣乃慨然仰歎憶昔樂生鄒子羣

賢之遊盛矣因登薊丘作七詩以志之寄終南盧居士亦有軒轅之遺跡也

軒轅臺

北登薊丘望求古軒轅臺應龍已不見牧馬空黃埃尚
想廣成子遺跡白雲隈

燕昭王

南登碣石坂

一作館

遙望黃金臺丘陵盡喬木昭王安在哉

霸圖悵已矣驅馬復歸來

樂生

王道已淪昧戰國競貪兵樂生何感激仗義下齊城雄

圖竟中天遺歎寄阿衡

燕太子

秦王日無道太子怨亦深一聞田光義匕首贈千金其事雖不立千載為傷心

田光先生

自古皆有死一作循義良獨稀奈何燕太一作母子尚使田生

疑伏劍誠已矣感我涕沾衣

鄒衍

大運淪三代天人罕有窺鄒子何寥廓漫說九瀛垂興

亡已千載今也則無推一作為

郭隗

末缺

逢時獨為貴歷代非無才隗君亦何幸遂起黃金臺

西還至散關答喬補闕知之

歲蕤蒼梧鳳嘹唳白露蟬羽翰本非匹結交何獨全昔
君事胡馬余得奉戎旃攜手向沙塞關河緬幽燕芳歲
幾陽止白日屢徂遷功業雲臺薄平生玉佩捐歎此南
歸日猶聞北戍邊代水不可涉巴江亦潺湲攬衣度函
谷銜涕望秦川蜀門自茲始雲山方浩然

度峽口山贈喬補闕知之王二無競

峽口大漠南橫絕界中國

一作相

紛紜赤

一作少

山復翕

絕遠望多衆容逼

一作迫

之無異色崔嵬乍孤斷逶迤屢回

直信關胡馬衝亦距漢邊塞豈依河山險將順休明德

物壯誠有衰勢雄

一作高

良易極瀝迤忽而盡決漭平不息

之子黃金軀如何此荒域雲臺盛多士待君丹墀側

題居延古城贈喬十二知之

聞君東山意宿昔紫芝榮滄洲今何在華髮旅邊城還
漢功既薄逐胡策未行徒嗟白日暮坐對黃雲生桂枝
芳欲晚蕙茲謗誰明無爲空自老含歎負生平

贈趙六貞固二首

回中烽火入塞上追兵起此時邊朔寒登隴思君子東
顧望漢京南山雲霧裏

赤螭媚其彩

一作形

婉變蒼梧泉昔者瑯琊子躬耕亦慨然

美人豈遐曠之子乃前賢良辰在何許白日屢頽遷道
心固微密神用無留連舒可彌宇宙攬之不足拳蓬萊

一作茅
又作蒿

又蕪沒金石徒精堅良寶具委短褐閑琴獨嬋娟

答韓使同在邊

漢家失中策胡馬屢南驅聞詔安邊使曾是故人謨廢
書悵懷古負劔許良圖出關歲方晏乘障日多虞虜入
白登道烽交紫塞途連兵屯北地清野備東胡邊城方
晏閉斥堠始昭蘇復聞韓長孺辛苦事匈奴雨雪顏容
改縱橫才位孤空懷老臣策未獲趙軍租但蒙魏侯重
不受謗書誣當取金人祭還歌凱入都

征東至淇門答宋十一叅軍之問

南星中大火將子涉清淇西林改微月征旆空自持碧
潭去已遠瑶華一作草折遺誰若一作君問遼陽戍悠悠一作搖搖天際

旗

答洛陽主人

平生白雲志早愛赤松遊事親恨未立從宦此中州主
人亦何一作何發問旅客非悠悠方謁明天子清宴奉良籌再
取連城壁三陟平津侯不然拂衣去歸從海上鷗寧隨
當代子傾側且沉浮

酬暉上人秋夜山亭有贈

皎皎白林秋微微翠山靜禪居感物變獨坐開軒屏風
泉夜聲雜一作絕月露宵光冷多謝忘機人塵憂未能整

酬李叅軍崇嗣旅館見贈

昨夜銀河畔星文犯遙一作天漢今朝紫氣新物色果逢真

言從天上落乃是地仙人白壁疑寬楚烏裘似入秦
摧藏多古意歷覽備艱辛樂廣雲雖覩夷吾風未春鳳歌
空有問龍性詎能馴寶劍終應出驪珠會見珍未及馮
公老何驚孺子貧青雲儻可致一作效北海憶孫賓

酬暉上人夏日林泉

聞道白雲居窈窕青蓮宇巖泉萬丈流一作流樹石一作石室干
年古林臥對軒窗山陰滿庭戶方釋塵事勞從君襲蘭

杜

同宋參軍之問夢趙六贈盧陳二子之作

曉霽望嵩丘一作嶽白雲半巖足氛氲涵翠微宛如羸一作羸臺
曲故人昔所尚幽琴歌斷續變化竟無常人琴遂兩亡

白雲失處所夢想曖容光疇昔疑緣業儒道兩相妨前
期許幽報迨此尚茫茫晤言既已失感歎一作恨情何一始
憶攜手期雲臺與峨眉達兼濟天下窮獨善其時諸君
推管樂之子慕巢夷奈何蒼生望卒為黃綬欺銘鼎功
未立山林事亦微撫孤一流慟懷舊日一作且暎違盧子尚
高節終南臥松雪宋侯逢聖君驂馭一作御遊青雲而我獨
蹭蹬語默道猶屯征戍在遼陽蹉跎草再黃丹丘恨不
及白露已蒼蒼遠聞山陽賦感涕下沾裳

送別出塞

平生聞高義書劔百夫雄言登青雲去非此白頭翁胡
兵屯塞下漢騎屬一作入雲中君為白馬將腰佩驛角弓單

于不敢射天子佇深功蜀山余方隱良會何時同

山登薊丘樓送賈兵曹入都

東山宿昔意北征非我心孤負平生願感涕下沾襟暮
登薊樓上永望燕山岑遼海方漫漫胡沙飛且深峨眉
杳如夢仙子曷由尋擊劍起歎息白日忽西沉聞君洛
陽使因子寄南音

夏日暉上人房別李參軍崇嗣

并序
內缺二字

考察天人旁羅變動東西南北賢聖不能定其居
寒暑晦明陰陽不能革其數莫不雲離雨散奔馳
于宇宙之間宋遠燕遙泣別于關山之際自古來
矣李參軍白雲英冑紫氣仙人愛江海而高尋頓

風塵而未息來從許下月旦出于龍泉言入蜀中
星文見於牛斗野亭相遇逆旅承歡謝鯤之山水
暫開樂廣之雲天自樂思道林而不見悵若有亡
詣祇樹而從遊然舊款高僧展袂大士臨筵披

路之天書坐琉璃之寶地簾帷後闢拂鸚鵡之

香林欄檻前開照芙蓉之綠水討論儒墨探覽真

玄覺周孔之猶述一作迷知老莊之未悟一作悟遂欲高扳

寶座伏奏金仙開不二之法門觀大千之世界歡

娛恍晚離別行催紅霞生而白日歸青氣凝而碧

山暮驪歌斷引抗手將辭江漢浩浩而長流天地

居然而不動嗟乎色爲何色悲樂忽而因生誰去

誰來離會紛而妄作俗之迷也不亦煩乎各述所
懷不拘章韻

四十九變化一十三死生翕忽玄黃裏驅馳風雨情是
非紛妄作寵辱坐相驚至人獨幽鑒一作覽窈窕隨昏明咫
尺山河道軒窗日月庭別離焉足問悲樂固能并我輩
何爲爾棲皇猶未平金臺可攀陟寶界絕將迎戶牖觀
天地階基上杳冥自超三界樂安知萬里征中國要荒
內人寰宇宙榮弦望如朝夕寧嗟蜀道行

秋園臥病呈暉上人

幽寂曠日遙林園轉清密疲疴澹無豫獨坐泛瑤瑟懷
挾萬古情憂虞百年疾綿綿多滯念忽忽每如失緬想

赤松遊高尋白雲一作紫庭逸榮吝始都喪幽人遂貞吉圖書

紛滿床山水藹盈室宿昔心所尚平生自茲畢願言誰

見知梵筵有同術八月高秋晚涼風正蕭瑟

內人登澤州城北樓讌

平生倦遊者觀化久無窮復來登此國臨望與君同坐

見秦兵壘遙聞趙將雄武安君何在長平事已空且歌

玄雲曲御一作銜酒舞薰風勿使青衿子嗟爾白頭翁

非餘山水粉圖

山圖一作仙圖非之白雲兮若巫山之高丘紛羣翠之鴻溶又

似蓬瀛海水之周流信夫人之好道愛雲山以幽求

綵樹歌

嘉錦筵之珍樹兮錯衆綵之氛氲狀瑤臺之微月點巫山之朝雲青春兮不可逢况蕙色之增芬結芳意而誰賞怨絕世之無聞紅紫碧豔坐看歇素華流年不待君故吾思崑崙之琪樹厭桃李之續紛

春臺引

寒食集畢
錄事宅作

感陽春兮生碧草之油油懷宇宙以傷遠登高臺而寫憂遲美人兮不見恐青歲之遂一作還道從畢公以酣飲寄林塘而一留採芳蓀於北渚憶桂樹於南州何雲木之美麗而池館之崇幽星臺秀士月旦諸子嘉青鳥之辰迎火龍之始挾寶書與瑤瑟芳蕙華而蘭靡乃掩白蘋藉綠芷酒既醉樂未已擊青鐘歌淶水怨青春之萎絕

贈瑤臺

一作華

之旖旎願一見而道意結衆芳之綢繆曷余

情之蕩漾矚青雲以增愁悵三山之飛鶴憶海上之白
鷗重曰羣仙去兮青春頽歲華歇兮黃鳥哀富貴榮樂
幾時兮朱宮碧堂生青苔白雲兮歸來

登幽州臺歌

前不見古人後不見來者念天地之悠悠獨愴然而涕

下

喜馬叅軍相遇醉歌

并序

吾無用久矣進不能以義補國退不能以道隱身
天子哀矜居於侍省且欲以芝桂爲伍麋鹿同曹
軒裳鍾鼎如夢中也南榮曝背北林設置有客扣

金唐門云吾道存孺子孺子黃中通理時
玄冬遇夜微
陳月在天白雲半山志逸海上酒既醉琴方清陶然
玄暢浩爾太素則欲狎青鳥寄丹丘矣日月云邁
遙遙蟋蟀謂何夫詩可以比興也不言曷著時醉書散
分蒼灑乃昏見清廟臺令知此有蜀雲氣也畢大拾遺
陸六侍御崔議司崔兵曹鮮于晉崔涵子懷一道
故鄉人當知吾此評是實錄也若東萊王仲烈見之必
成荒以為真醉歌曰評如何此時復發夜猿鳴
獨幽默以三月兮深林潛居時歲忽兮孤憤遐吟誰知
我心孺子孺子其可與理分

全唐詩

陳子昂

度荆門望楚

遙遙去巫峽望望下章臺巴國山川盡荆門煙霧開城
分蒼野外樹斷白雲隈今日狂歌客誰知入楚來

晚次樂鄉縣

故鄉杳無際日暮且孤征川原迷舊國道路入邊城野
戍荒煙斷深山古木平如何此時恨噉噉夜猿鳴

同王員外雨後登開元寺南樓因酬暉上人獨
坐山亭有贈

鐘梵經行罷香林坐入禪巖庭交雜樹石瀨瀉鳴泉水

月心方寂雲霞思獨玄寧知人世裏疲病得一作苦攀緣

東征答朝臣一作達相送

平生白雲意疲蕭愧為雄君王謬殊寵旌節此從戎接
繩當繫虜單馬豈邀功孤劔將何托長謠塞上風

詠主人壁上畫鶴寄喬主簿崔著作

古壁仙人畫丹青尚有文獨舞紛如雪孤飛曠似雲自
矜彩色重寧憶故池羣江海聯翩翼長鳴誰復聞

居延海樹聞鶯同作

邊地無芳樹鶯聲忽聽新間關如有意愁絕若懷人明
妃失漢寵蔡女沒胡塵坐聞應落淚況憶故園春

全唐詩題李三書齋崇嗣

灼灼青春仲悠悠白日昇聲容何足恃榮吝坐相矜願
與金庭會將待玉書徵還丹應有術煙駕共君乘

送魏大從軍

匈奴猶未滅魏絳復從戎悵別三河道言追六郡雄雁
山橫代北狐塞接雲中勿使燕然上惟留漢將功

一作獨有漢臣功

送殷大入蜀

禹一作蜀山金碧路此地饒英靈送君一為別悽斷故鄉情

片一作夏

雲生極浦斜日隱離亭坐着征騎沒惟見遠山青

落第西還別劉祭酒高明府

別館分周國歸驂入漢京地連函谷塞川接廣陽城望
迴樓臺出途遙煙霧生莫言長落羽貧賤一交情

落第西還別魏四懔

轉蓬方不定，落羽自驚弦。
山水一爲別，歡娛復幾年。
離亭暗風雨，征路入雲煙。
還因北山逕，一作返歸守東陂田。

送客

故人洞庭去，楊柳春風生。
相送河洲晚，蒼茫別思盈。
白蘋已堪把，綠芷復含榮。
江南多桂樹，歸客贈生平。

春夜別友人二首

銀燭吐青煙，金樽對綺筵。
離堂思琴瑟，別路遶山川。
明月隱高樹，長河沒曉天。
悠悠洛陽道，一作去此會在何年。

紫塞白雲斷，青春明月初。
對此芳樽夜，離憂悵有餘。
清冷花露滿，滴瀝簷宇虛。
懷君欲何贈，願上大臣書。

遂州南江別鄉曲故人

楚江復爲客，征棹方悠悠。故人憫追送，置酒此南洲。平生亦何恨，夙昔在林丘。違此鄉山別，長謠去國愁。

送東萊王學士無競

寶劍千金買，平生未許人。懷君萬里別，持贈結交親。孤松宜晚歲，衆木愛芳春。已矣將何道，無令白首一作髮新。

送梁李二明府

負書猶在漢，懷策未聞秦。復此窮秋日，芳樽別故人。黃金裝屨盡，白首契逾新。空羨雙鳧鳥，俱飛向玉輪。

送魏兵曹使嵩州得登字

陽山淫霧雨，之子慎攀登。羗笮多珍寶，人言有愛憎。欲

酬明主惠當盡使臣能勿以王陽道一作迢遞一作畏峻嶒

送著作佐郎崔融等從梁王東征并序

金髮古者涼風至白露下天子命將帥訓甲兵將以外

威荒戎內輯中夏時義遠矣自我大君受命百蠻

蟻伏匈奴舍蒲萄之宮越裳重翡翠之貢虎符不

發象譯攸同實欲高議靈臺偃兵一作天下而林胡

遺孽瀆亂邊氓驅蚊蚋之師忽雷霆之伐乃竊海

裔弄燕陲皇帝哀北鄙之人懼其辛螫以東征之

義降彼偏裨猶恐威令未孚亭塞仍梗乃謀元帥

命佐軍得朱邸之天人乃黃閣之元老廟堂授鉞

鑿門申命建梁國之旌旗吟漢庭之簫鼓東向而

拜北道長驅蜺旄羽騎之殷戈翻落日突鬚蒙輪
之勇劔決浮雲方且獵九都窮踏頓存肅慎弔姑
餘彷徨赤山巡御日域以昭我王師恭天討也歲
七月軍出國門天晶無雲朔風清海時北部郎中
唐奉一考功員外郎李迥秀著作佐郎崔融並叅
帷幕之賓掌書記之任燕南帳別洛北思懽頓旌
節而少留傾朝廷而出餞永昌丞房思立衣冠之
秀乃張蕙圃席蘭堂環曲榭羅羽觴寫中京之望
縱候亭之賞爾乃投壺習射博奕觀兵鏜金饒戛
瑤琴歌易水之慷慨奏關山以徘徊頽陽半林微
陰出座思長風以破浪恐白日之蹉跎酒中樂酣

拔劍起舞則已氣橫遼碣志掃獯戎抗手何言賦
詩以贈

金天方肅殺白露始專征王師非樂戰之子慎佳兵海
氣侵南部邊風掃北平莫賣盧龍塞歸邀麟閣名

春晦餞陶七於江南同用風字

并序
內缺七字

蜀江分袂巴山望別南津坐恨歎仙帆之方遙北
渚長懷見離亭之欲晚白雲去矣

黃鶴何之楊柳青而三春暮我之懷矣能無贈
乎同賦一言俱題四韻

黃鶴煙雲一作霞去青江琴酒同離帆方楚越溝水復西東

芙蓉生夏浦楊柳送春風明日相思處應對菊花叢

喜遇冀侍御珪崔司議泰之二使

并序

余獨坐一隅孤憤五蠹雖身在江海而心馳魏闕
歲時仲春幽臥未起忽聞二星入井四牡臨亭邀
使者之車乃故人之駕隱凡一笑把臂入林旣聞
朝廷之樂復此琴樽之事山林幽寂鐘鼎舊遊語
默譚詠今復一得況北堂夜永西軒月微巴山有
望別之嗟洛陽無寄載之客江關離會三千餘里
名位寵辱一百年中歡娛如何日月其邁不爲目
前之賞以增別後之思蟋蟀笑人夫子何歎
謝病南山下幽臥不知春使星入東井云是故交親惠
風吹寶瑟微月憶清真憑軒一留醉江海寄情人

登薊城西北樓送崔著作融入都

并序

僕嘗倦遊傷別久矣況登樓遠國銜酒故人憤胡
孽之侵邊從王師之出塞元戎按甲方刈鮮卑之
壘天子賜書且有君相之召而崔侯佩劍即謁承
明羣公負戈方絕大漠燕山北望遼海東浮雲臺
與碣館天殊亭障共衣冠地隔撫劍何道長謠增
歎以身許國我則當仁論道匡君子思報主仲冬
寒苦幽朔初平蒼茫天兵之氣冥滅戎雲之色白
羽一指可掃九都赤墀九重佇觀獻凱心期我願
斯遂君恩一作送君之恩共有策勛飲至方同廊廟之歡偃
武橐弓借爾文儒之首薊丘故事可以贈言同賦

登薊樓送崔子云爾

薊樓望燕國負劒喜茲登清規子方奏單戟我無能仲
冬邊風急雲漢復霜稜慷慨竟何道西南恨失朋

月夜有懷

美人挾趙瑟微月在西軒寂寞夜何久殷勤玉指繁清
光委衾枕遙思屬湘沅空簾隔星漢猶夢感精魂

夏日遊暉上人房

山水開精舍琴歌列梵筵人疑白樓賞地似竹林禪對
戶池光亂交軒巖翠連色空今已寂乘月弄澄泉

春日登金華觀

白玉仙臺古一作丹丘別望遙山川亂雲日樓榭入煙霄

鶴舞千年樹虹飛百尺橋還疑一作逢赤松子天路坐相邊

一作招

羣公集畢氏林亭

金門有遺世一作七鼎實恣和邦默語誰能一作相識琴樽寄北

窗子年戀魏闕漁父愛滄江良時信同此歲晚迹難雙

宴胡楚真禁所

人生固有命天道信無言青蠅一相點白壁遂成冤請

室閑逾濛幽庭春未暄寄謝一作語韓安國何驚獄吏尊

魏氏園林人賦一物得秋亭萱草

昔時幽徑裏榮耀雜春叢今來玉墀上銷歇畏秋風細

葉猶含綠鮮花未吐紅忘憂誰見賞空此北堂中

晦日宴高氏林亭

并序
內缺一字

夫天下良辰美景園林一作亭池觀古來遊宴歡娛衆
矣然而地或幽偏未覩皇居之盛時終交喪多阻
升平之道豈如光華啟旦朝野資歡有渤海之宗
英是平陽之貴戚發揮形勝出鳳臺而嘯侶幽贊
芳辰指鷄川而留宴列珍羞於綺席珠翠瑯玕奏
絲管於芳園秦箏趙瑟冠纓濟濟多延戚里之賓
鸞鳳鏘鏘自有文雄之客總都畿而寫望通漢苑
之樓臺控伊洛而斜臨神仙之浦淑則有都人
士女俠客游童出金市而連鑣入銅街而結駟香
車繡轂羅綺生風寶蓋瑠鞍珠璣耀日於時律窮

太簇氣淑中京山河春而霽景華城闕麗而年光
滿淹留自樂翫花鳥以忘歸歡賞不疲對林泉而
獨得偉矣信皇州之盛觀也豈可使晉京才子孤
標洛下之游魏室羣公獨擅鄴中之會盍各言志
以記芳遊同探一字以華爲韻

尋春遊上路追宴入山家主第簪纓滿皇州景望華玉
池初吐溜珠樹始開花歡娛方未極林閣散餘霞

晦日重宴高氏林亭

公子好追隨愛客不知疲象筵開玉饌翠羽飾金卮此
時高宴所詎減習家池循涯倦短翮何處一作儷長離

上元夜効小庾體

以上三首俱見歲時雜詠

三五月華新遨遊逐上春相邀洛城曲追宴小平津樓
上看珠妓車中見玉人芳宵殊未極隨意守燈輪一本截末二

聯作絕句
題云燈

洛城觀酺應制

聖人信恭已天命允昭回蒼極神功被青雲祕籙開垂
衣受金冊張樂宴瑤臺雲鳳休徵滿魚龍雜戲來崇恩
踰五日惠澤暢三才玉帛羣臣醉徽章縟禮該方覩升
中禪言觀拜洛迴微臣固多幸敢上萬年杯

奉和皇帝上一作丘禮撫事述懷應制

大君忘自一作物我應一作膺運居紫宸揖讓期明辟謳歌且順
人軒宮帝圖盛皇極禮容申南面朝萬國東堂會百神

雲陞旂常滿天庭玉帛陳鐘石和睿思雷雨被深仁承
平信娛樂王業本艱辛願罷瑤池宴來觀農扈春卑宮
昭夏德尊老睦堯親微臣敢拜手歌舞頌維新
中斷言酬田逸人遊巖見尋不遇題隱居里壁

遊人獻書去薄暮返靈臺傳道尋仙友青囊賣卜來聞
鶯忽相訪題鳳久衰回石髓空盈握金經祕不開還疑
縫掖子復似洛陽才

白帝城懷古

日落滄江晚停橈問二風城臨巴子國臺沒漢土宮荒
服仍周甸深山尚禹功巖懸青壁斷地險碧流通古木
生雲際孤帆出霧中川途去無限客思坐何窮

一作樹

峴山懷古

秣馬臨荒甸登高覽舊都猶悲墮淚碣尚想臥龍圖
城邑遙分楚山川半入吳丘陵徒自出賢聖幾凋枯
野樹蒼煙斷津樓晚氣孤誰知萬里客懷古正躊躇

宿空舫峽青樹邨浦

的的明月水啾啾寒夜猿客思一作愁浩方亂洲浦寂無喧

憶作千金子寧知九逝魂虛聞事朱闕結綬驚華軒委
別高堂愛一作夢窺覩明主恩今成轉蓬去歎息復何言

宿襄河驛浦

沿流辭北渚結纜宿南洲合岸昏初夕迴塘暗不流
臥聞塞鴻斷坐聽峽猿愁沙浦明如月汀葭晦若秋不及

能鳴雁徒思海上鷗
天河殊未曉滄海信悠悠

贈嚴倉曹乞推命錄

少學縱橫術遊楚復遊燕
棲遑長委命富貴未知天聞

道沉冥客青囊有秘篇一作編
九宮探萬象三算極重玄願

奉唐生訣將知躍馬年
非同一作固墨翟問空滯殺一作至龍川

和陸明府贈將軍重出塞

忽聞天上將關塞重橫行
始返樓蘭國還向朔方城黃

金裝戰馬白羽集神兵
星月開天陣山川列地營晚風

吹畫角春色耀飛旌
寧知班定遠猶一作獨是一書生

江上暫別蕭四劉三旋欣接遇

昨夜滄江別言乖一作乘
天漢遊寧期此相遇尚接武陵洲

結綬還逢育銜杯且對劉波潭一瀾瀾臨望幾悠悠山
水丹青雜煙雲紫翠浮終愧神仙友來接野人舟

秋日遇荊州府崔兵曹使宴

并序

若夫尊卑位隔榮賤途分使卿士大夫倚軒裳而
傲物山樓木食負林壑而驕人未有能屈富貴於
沈冥雜薜蘿於簪笏天人坐契相從雲霧之遊風
雨不疲高縱琴樽之賞崔兵曹紫庭公曹青雲貴
人以鐘鼎不足以致奇才煙霞可以交名士皇華
昭國懷鳳綽而高尋白桂追遊邀兔罝而下顧大
矣哉生平未識一見而交道遂存此日披懷千載
之風期坐合支道林之雅論妙理沈微崔子玉之

雄才斯文未喪屬乎金龍掌氣石雁驚秋天沈寥
而煙日無光野寂寞而山川變色芸其黃矣悲白
露于蒼葭木葉落兮慘紅霜于綠野爾其高興洽
芳酒闌頌羲和而不留顧華堂而欲晚長歌何托
思傳稽古之文爰命小人率記當時之事人探一
字六韻成篇

輶軒鳳皇使林藪鴟雞冠江湖一相許雲霧坐交歡興

盡崔亭伯言忘釋道安林一作秋光稍欲暮歲物已將闌古

樹蒼煙斷虛亭白露寒瑶一作琴山水曲今日爲君彈

水丹青 臥病家園

世上無名子人間歲月賒縱橫策已棄寂寞道爲家臥

病誰能問閒居空物華猶憶靈臺友棲真隱太霞還
奔日御却老餌雲芽寧知白社客不厭青門瓜

于長史山池三日曲水宴

摘蘭藉芳月一作日夜宴坐迴汀泛濫清流滿葳蕤白芷生
金弦揮趙瑟玉指弄秦箏巖榭風光媚郊園春樹平煙
花飛御道羅綺照昆明日落紅塵合車馬亂縱橫

合州津口別舍弟至東陽峽步趨不及眷然有

憶作以示之

江潭共爲客洲浦獨迷津思積芳庭樹心斷白眉人同
衾成楚越別島類胡秦林岸隨天轉雲峰逐望新遙遙
終不見默默坐含嚔念別疑三月經遊未一旬孤舟多

逸興誰共爾為鄰

萬州曉發放舟乘漲還寄蜀中親朋

空濛巖

一作微

雨霽爛熳曉雲歸嘯旅乘明發奔橈驚斷磯

蒼茫林岫轉絡繹漲濤飛遠岸孤煙出遙峰曙日微前

瞻未能暇坐望已相依曲直一作折多一作選今古經過失是非

還期方浩浩征思日駢駢寄謝千金子江海事多違

入峭峽安居谿伐木谿源幽邃林嶺相映有奇

致焉

肅徒歌伐木驚一作驚檝漾輕舟靡迤隨迴一作波水潺湲沂淺

流煙沙分兩岸露一作霞島夾雙洲古樹連雲密交一作文峰

入浪浮巖潭相映媚谿谷屢環周路迴光逾逼一作出山深

興轉幽麝鼯寒思晚後鳥暮聲秋誓息蘭臺策將從桂
樹遊因書謝親愛千歲覓蓬丘

入東陽峽與李明府舟前後不相及

東巖初解纜南浦遂離羣出沒同洲島沿洄異渚一作瀆

一作樓泊風煙猶可望歌笑浩難聞路轉青山合峰迴白

日曛奔濤上漫漫積水下一作浪沄沄倏忽猶疑及差池復

兩分離離間一作開遠樹藹藹沒遙氛地上巴陵道星連牛

斗文孤狖啼寒月哀鴻叫斷雲仙舟不可見一作遙思坐

氛氲

同旻上人傷壽安傅少府

生涯良浩浩天命固諄諄聞道神仙尉懷德遂為鄰疇

昔逢堯日衣冠仕漢辰
交遊紛若鳳詞翰宛如一作麟麟
太息勞黃綬長思謁紫宸
金蘭徒有契玉樹已埋塵
把臂雖無托平生固亦親
援琴一流涕舊館幾霑巾
杳杳泉中夜悠悠世上春
幽明長隔此歌哭一作笑爲何人

南山家園林木交映盛夏五月幽然清涼獨坐

思遠率成十韻

寂寥守寒巷幽獨臥一作坐空林松竹生虛白
階庭橫古今鬱蒸炎夏晚棟宇闕清陰
軒窗交紫靄簷戶對蒼岑鳳蘊仙人籙
鸞歌素女琴忘機委人代閉牖察天心
蛺蝶憐紅藥蜻蜓愛碧潯坐觀萬象化
方見百年侵擾擾將何息青青長苦吟
願隨白雲駕龍鶴相招尋

還至張掖古城聞東軍告捷贈韋五虛已

孟秋首歸路仲月旅一作旋邊亭聞道蘭山戰相邀在井陘

屢鬪關月滿三捷虜雲平漢軍追北地胡騎走南庭君

為幙中士疇昔好言兵白虎鋒應出青龍陣一作披幾成披一作據

圖見丞相按節入咸京寧知玉門道翻一作空作隴西行北

海朱旄落東歸白露生縱橫未得意寂寞寡相迎負劔

空歎息蒼茫登古城

題祀山烽樹贈喬十二侍御

漢庭榮巧宦雲閣薄邊功可憐驄馬使白首為誰雄

初入峽苦風寄故鄉親友

故鄉今日友歡會坐應同寧知巴峽路辛苦石尤風

題田洗馬遊巖枯槁

望苑

一作遠

長爲客商山遂不歸誰憐北陵井

一作客

未息漢陰

機

古意題徐令壁

一作題著
作令壁

白雲蒼梧來氛氳萬里色聞君太平世棲泊靈臺側

贈別冀侍御崔司議

并序

朝廷歡娛山林幽痗思魏闕魂已九飛飲岷江情
復三樂進不忘匡救於國退不慚無悶在林冀侍
御崔司議至公至平許我以語默于是矣夫達則
以公濟天下窮則以大道理身嗟乎子昂豈敢負
古人哉蜀國酒醴無以娛客至於挾清瑟登高山

白雲在天清江涵月可以散孤憤可以遊太清
世之逸人寄千里之道友吾欲不謝於崔冀二公
矣所恨酒未醒琴方清王事靡監驛騎遄速不盡
平原十日之飲又謝叔度累日之歡雲山悠悠歎
不及也載想房陸畢子爲軒冕之人不知蜀山有
雲巴水可與睽闕良會我心惄然請以此酣寄謝
諸子爲巴山別引也

有道君匡國無悶

機

余在林白雲峨眉

一作峨眉

上歲晚來相

尋

三月三日宴王明府山亭

見歲時雜詠
未可缺一字

暮春嘉月上巳芳辰羣公禊飲于洛之濱奕奕車騎粲

祭都人連帷競野袷服
青郊樹密翠渚萍新今我
不樂含意申

自昔吾國無關

萬里

雲山

平泉

吳

也

白雲

白雲